

ca  
N

8-0-7

S

10

15-5-7

all things

from within

of the world as

from within

Letter 2



1

WILEBORDI SNELLII  
DE  
RE NUMMARIA  
LIBER VNICVS.



NUMISMATVM priscorum rationem summatim & breuiter hic referre constitui; vnde veteris monetæ valorẽ cum cuiusq. seculi & loci æstimatione contendendi ratio semper esset in prõ-

ptu; atque ita scriptoribus priscis aliquam facem allucereni. Neque verò id eã fine, vt aliis suum honorem eam præreptum: sed potius vt illis, si quid ab ipsis veritati congruenter dictum sit, suam exiustimationem sartam tectam præstarem: si quid à nobis accuratius inuestigatum, id publicæ vtilitati ne inuiderem. E numismatum igitur generibus Romana maximè & Græca explicare constitui. Pecunia è triplici metallo triplex ferè in vsu fuit, cuius primus autor ignoratur, vetustissima mentio in sacris Gen. cap. 33. commate 15 proposita videtur, vbi Abrahamus agrum ab Ephrone ad sepulturam vxoris emit: ita tamen vt dubium sit argentumne illud signatum etiam, an tantum ad pondus expensum fuerit. certè Abrahamus non numerasse, sed Ephroni appendisse dicitur quadringetos siclos. Et filii Iacobi patriarchæ Geneseos capite 43 commate 21. ajunt Iosepho se referre pecuniam secundum pondus suum. Sed ad Romanam rempublicam me confero. Seruius Rex

a

primus

primus signauit æs. antea rudi vlos Romæ Re-  
meus tradit. Signatum est notâ pecudum, vnde  
& pecunia appellata: vel certè quoniam id solum  
veteres possederunt, & vnum hoc diuitiarum ge-  
nus ab iis vsurpatum sit, siquidem omnis pecuniæ  
pecus fundamentum, vt Varro & Columella te-  
stantur.

*Nummi fuere dupondius, assis, sēbella, triens,  
quadrans, sextans, uncia, sextula, omnes ærei.*

*Nummus* Græca dictio est, vel potius Sicula.  
Varro, nummi, id à Siculis. Cui sententiæ Pollux  
lib. 9. cap. 6. subscribit, & autorem laudat Ari-  
stotelem. Nummus, inquit, Latinum nomen vi-  
detur, sed Græcum reuerâ est, *νῦμμος ἐν Ἰταλίᾳ καὶ Σικελίᾳ Δωριέων* Doriensium Italiam & Siciliam inco-  
lentium. Vox Epicharmo pœtæ in chytris comæ-  
dia vsurpata. Aristoteles scriptum reliquit in Ta-  
rentinorum republicâ numisma quoddam *νῦμμον*  
vocari, in quo Tarenti Neptuni filii delphino in-  
uecti esset imago expressa. huiusmodi nummum  
æreum pondere granorum 124. habui, cui parte  
vnâ impressa effigies virinudi delphino insidentis,  
sub delphini corpore quasi pila aut sphærule: in  
ora literis Græcis ΤΑΡΑΝΤΙΙ. notis fugacibus, sed  
tamen qui ab attēto facile legerentur: parte alterâ  
itidem vir nudus sedens, manu, vt videbatur super  
aram extensâ, ita obscure vt reliqua coniectare  
non potuerim. cuius descriptionem hîc propterea  
exhibui, vt Pollucis locus ille clarius intelligatur.  
Sunt itaque νόμισμα & νῦμμος à νόμος lege & con-  
suetudine dicta. Quare ineptè Suidas ex Suetonio  
citât nummum à Numa nomen traxisse, quod is  
primus æs & ferrum Romanis pro pecuniâ signa-  
uerit,



uerit, quam sententiam Iſidorus libri 16. cap. 17. quoque ſequitur.

*Aſſis*, vel potius *as* ab *ære*, quaſi *æs*. Varro, *as* & eius partes *ærei* erant. & Dyonyſius Halicarnaſſeus libro 9 *ἢ δὲ ἀπὸ ἀέρος, χαλκῶς νόμισμα, βί-  
ρσι λυγρόν*. Item Plinius, *Libralis*, vnde etiam nunc *libella* dicitur & *dupondius* appendebatur *aſſis*. nam *libram* pondo *as* dicebant. Hinc *æra* militum, *tribuni ærarii*, *ærarium*, & *obærati* ab *ære* dicti. Indidem *graue æs*, & *æris grauis* pœna dicta. Liuius *decadis primæ* libro quinto de A. Virginii & Q. Pomponii *tribb.* plebis peſſimo exemplo, *innoxii*, inquit, *decem millibus grauis æris* damnati ſunt. *graue æs* inquam, quia tum *aſſis* *librali* pondere, *millia* autem *æris*, ſemper *aſſium* intelligenda. Exemplum non ignobile extat apud eundem libro 4. cum anno urbis 349, hoc eſt ante natiuitatem domini annis 402, ſenatus primum decreuiſſet, vt miles ſtipendium de publico acciperet, tributo plebi indicto, idque inuitis & reſiſtuntibus *tribb.* *pleb.* Patres, inquit, bene cœptam rem perſeueranter tueri: conferre ipſi primi, & quia nondum argentū ſignatum erat, *æs graue* *plauſtris* quidā ad *ærarium* conuehentes, ſpectioſam etiam collationem faciēbant. *Æs* quoque ſtipem dicebant: nam quod *aſſes* *libræ* pondo erant, qui acceperant maiorem numerum, non in arcā ponebant, ſed in aliquā cellā ſtipabant, id eſt componebant, quo minus loci occuparet, à ſtipando ſtipem dicere cœperunt. Tale illud Suetonii in Auguſto cap. 91. Ex nocturno viſu ſtipem, quotannis die certo emendicabat à populo, cauam manum *aſſes* porrigentibus præbens. hinc ſtipendium

dium à stipe appensâ, quin & militum stipendio-  
rum, hoc est, stipis ponderandæ pensatores, libri-  
pendes dicuntur, & expensa in rationibus, item  
impendia & dependere. Romani enim ita ære  
gravi initio vsi sunt, quemadmodum Lacedæmo-  
nii ex Lycurgi instituto numismate ferreo, grauis  
ponderis, verum exigui valoris, *καρυσάθμω καὶ δυσ-  
πραχομίς, καὶ ἀπὸ πολλῶν τινὸς πλεῖστος καὶ ὄγκος, ἐκτρέφει τινὰ  
αἰχλὴν δυνάμενος*, inquit in Lyfandri vita Plutarchus,  
quod aceto candens restinguebant, vt ita mollius,  
& ad opera foret inhabile. Byzantinos etiam  
nummo ferreo vsos Pollux ait. Libræ autē pondus  
assium æris imminutum bello Punico primo, cum  
impensis Respub. non sufficeret, constitutumque  
vt asses sextantario pondere ferirentur. ita quin-  
que partes factæ lucris, dissolutumque æs alienum.  
Postea Annibale urgente Q. Fabio Maximo Verru-  
coso dictatore (anno vrbs 545, ante natiuitatem  
salutiferam annis 206) asses vnciales, mox lege  
Papyrianâ semunciales facti, adi Pliniū, & Festum.  
Nota æris fuit initio ex alterâ parte Ianus gemi-  
nus, ex alterâ rostrum naui. quæ tamen cum pon-  
dere postmodum pro signantis arbitrio, & quo-  
rum ea cura, fuit variata. Assium namque pondus  
exinde quoque imminutum non tam libris, quam  
nummis autoribus cōprobare in promptu fuerit.  
Certè assē, qui lege Papyriana semuncialis fuit,  
postmodum vnciæ quadrante expensum, confir-  
mat experientia. Itaque tum dupondiarīi nummi,  
qui duorum assium pondus habuere, semunciales  
signati sunt. principio quidem accuratè, vt ad  
amūssim dicto ponderi responderent: postmodum  
verò non ita strictim ad legis præscriptum: nam &  
ab il-



ab illo pondere aliquid paulatim detractū. Enim-  
 uerò cum vncia Romana, vnciæ nostrati in aurifi-  
 cum officinis vulgò vsitata pondere par fuerit, ista  
 autem habeat anglicos viginti, (ita vocant vnciæ  
 partem vicesimam;) anglicique singuli grana duo  
 & triginta: efficitur granorum summa in vnciâ  
 640, *asen* nostro idiomate vulgò vocamus. Huius  
 vnciæ semissis 320 grana, assium singulorum pon-  
 dus à Papyrio constitutum. Postmodum verò  
 istius ponderis dimidium 160 assi attributum: quo  
 autore, aut quando cœptum, omnino non liquet,  
 quod si tamen aliquis coniecturæ locus relinqua-  
 tur: non alienum fuerit credere dupondiorum  
 assiumque pondus ad vnciæ semissiles quadrantem  
 tum demum contractum, cum sestertii ex ære  
 primulū signari cœpere, ne necesse esset hos dua-  
 rum vnciarum pondere institui, quia tum valebant  
 asses quatuor. Huiusmodi asses cōplures sub Impe-  
 ratoribus signatos vidimus, sed ita maligne percus-  
 sos, ut dictum 160 granorum pondus neutiquam  
 explerent. tales enim habuimus 126, 122, 110  
 granorum: à Domitiano quoque granorum 102,  
 exesum, cum inscriptione græca *Δομιτιανὸς καί-  
 σαρ*: parte alterâ *μυττόπολις*. reliqua legere nequi-  
 bam. Neque verò hanc granorum *λεπτολεξία* ad  
 minutum vsque ideò confector, quod magni mo-  
 menti ad pretii indicaturam ea existimem: nam à  
 Vespasiano vidi 107 granorum cum inscriptione  
 hac ab vnâ parte *Imp. Cæs. Vespasianus Aug. cos.*  
 111. parte alterâ, iustitia manu dextra bilancem te-  
 nens, infra *S. C.* in orâ *aquitas Augusti*: sed ideo  
 tam accuratè ista pensito, ut saltem rudi modo eius  
 pondus quodammodo circumscribam: erit enim

huius vsus nobis infra, cùm de sestertio disputabimus, quibus verò argumentis adductus nullâ veterum autoritate subnixus assem pondere quadrantis vnciæ definiam, infra in dupondio planius edisseram. Cæterum & hoc notandum, asses ex ære deteriore multo signari solitos, quam dupondios sestertosque, id enim Plinius libri 34 capite 2. nominatim annotauit. Aurichalcum (inquit) ob præcipuam bonitatem admirationem diu obtinuit. Nec reperitur longo iam tempore effœta tellure. Proximum bonitate fuit Sallustianum in Ceutronum alpino tractu, non longi & ipsum æui. Successit & Liuianum in Gallia. Vtrumque à metallorum dominis appellatum, illud ab amico diui Augusti, hoc à coniuge, velocis defectus. Liuianum quoque admodum exiguum inuenitur, summâ gloriâ nunc in Marianum conuersâ, quod & Cordubense dicitur. Hoc à Liuiano cadmiam maxime sorbet, & aurichalci bonitatem imitatur in sestertiis dupondiarisque. Cyprio assibus suis contento. Hactenus ille. in Cypro enim primâ æris inuentio, reperto autem deinde in aliis terris præstantiore, maximè aurichalco, illud vilius fuit. Vnum hoc addo. Cadmiam lapidem ærosum esse, quod ab ære in fornacibus conflato (rubrum hodie vocitamus) tam auidè sorbetur, vt massa æris duo & septuaginta librarû, huius lapidis mixturâ centenaria euadat. Verum enimverò quia ab hoc esse æreo Romani omne integrum (quod quidem in duodecim partes tributum intelligi vellent) as appellauere, vt libram, hereditatem, aut aliud etiam quiduis; operæ pretium mihi facturus videor, si huius partes, & partium particulas, ex

Valtone,



Varrone, Plinio, Herone, Columellâ, Volusio Metiano vnico conspectu hîc ob oculos ponam.

|                  |                 |          |               |         |                 |       |   |
|------------------|-----------------|----------|---------------|---------|-----------------|-------|---|
| as               | $\frac{12}{12}$ |          | 12            | semis   | $\frac{1}{2}$   |       | 6 |
| deunx            | $\frac{11}{12}$ |          | 11            | quincûx | $\frac{11}{12}$ |       | 5 |
| dextans          | $\frac{10}{12}$ | sunt     | 10            | triens  | $\frac{10}{12}$ | sunt  | 4 |
| dodrans          | $\frac{9}{12}$  | vnciæ    | 9             | quadrās | $\frac{9}{12}$  | vnciæ | 3 |
| bes              | $\frac{8}{12}$  |          | 8             | sextans | $\frac{8}{12}$  |       | 2 |
| septunx          | $\frac{7}{12}$  |          | 7             | vncia   | $\frac{7}{12}$  |       | 1 |
| semuncia         |                 |          |               |         |                 |       |   |
| duella           |                 |          |               |         |                 |       |   |
| ficilicus        |                 | est pars | $\frac{1}{2}$ | & pars  | $\frac{1}{2}$   |       |   |
| sextula          |                 | vnciæ    | $\frac{3}{4}$ | assis   | $\frac{3}{4}$   |       |   |
| scrupulum        |                 |          | $\frac{1}{6}$ |         |                 |       |   |
| dimidium         |                 |          | $\frac{2}{4}$ |         |                 |       |   |
| scrupulum        |                 |          | $\frac{1}{8}$ |         |                 |       |   |
| Volusio simplium |                 |          |               |         |                 |       |   |

*Sembella*, quod sit libellæ dimidium, quod semis assis; eadem semissis, quasi semi æs, inquit Varro. Itaque ex Papyrianâ analogiâ debuit æquauisse pondus quadrantis vnciæ, quæ sunt grana 160. posteaquam verò asses dimidio leuiores signati sunt, & hic nummus, quoque dimidio pondere percussus est, granorum duntaxat 80. Talem à Tiberio vidi pendentem grana 64. sed situ iam leuiorem. alterum ab Othone satis integrum pro ætate, granorum 66, cum inscriptione hâc *Imp. Otho Caesar Aug. tr. p.* circum Othonis caput. parte aduersa copia cornu, in ora *Pont. Max.* his tantum decesserat vt vtrumque ab initio pondere non longè infra 80 grana institutum dignosceres. Nota semissis Volusio Metiano est. S. vidi sembellam antiquissimam pendentem paulo amplius semuncia;

munciâ, itaque ante legem à Papyrio latam percussam, cum assēs adhuc essent vnciales, habentem parte vnâ caput virile barbâ horridum, à vertice notam S. parte auersâ rostrum navis, supra iterum S. infra *Roma*. nummus planè legitimus, ad legem Q. Fabii Maximi signatus. hoc propterea nominatiim monere visum est, quia rarissimè huiusmodi nummi videndi potestas datur.

*Triens*, tertia pars assis, & sexta vnciæ. ideoq. si Papyrii legem sequimur, 107 granorum, vt proximè, postmodum verò pro ratâ parte vt cæteri omnes nummi mutilatû nullus dubito. vidi enim ab Hadriano percussum cum inscriptione istiusmodi *Hadrianus aug. cos. III. p. p.* parte alterâ *Providentia*, pendentem grana 47, cum debuisset 53.

*Quadrans*, antea triuncis vocatus à tribus vnciis, inquit Plinius, & Varro, teruncius valet sembellæ dimidium. notam quo initio signaretur expressit Plinius: nota æris, inquit, ex alterâ parte Ianus Geminus, ex alterâ rostrum navis, in triente & quadrante ratis. Inde quadrans à ratis signo impresso ratitus dictus fuit, quemadmodum Festus Tarquitio & Oppio Aurelio autoribus docet. Marci duodecimo de viduæ liberalitate ἡ χίεξ ἢ πτωχὴ ἑκατὲς ἀσπτα δύν, ὅ ἐστι καὶ ἐξήντης. pondus autem ex Papyrianâ assium semuncialium analogiâ fuit granorum 80. postmodum 40. talem vidi posterioris seculi granorum 32, habentem parte vnâ caput galeatum, cum inscriptione nullâ, parte alterâ duos puellios lupam sugentes, in ora *Roma*.

*Sextans*, sexta pars assis, vnciæ  $\frac{1}{12}$ . sextantis pecuniæ mentionem facit Plinius lib. 35 cap. 10. Nam quod Populus Romanus Agrippæ Menenio sextantes



tes æris in funus contulit, honoris id necessitatis-  
que propter paupertatem Agrippæ, non largitionis  
esse dixerim. Liuius lib. 29. anno vrhis 550 de M.  
Liuiio censore, qui inde Salinator appellatus. vecti-  
galiæ nouæ ex salaria annona statuerunt, sextan-  
te sal & Romæ & per totam Italiam erat. Romæ  
pretio eodem, pluris in foris & conciliabulis, &  
alio alibi pretio præbendum locauerunt. fuit ita-  
que lege Papyrianâ granorum 53. postmodum ve-  
ro 26 tantum.

*Vncia*, vox Sicula est. Pollux lib. 9. cap. 6. ἀνὰ  
μὲν περὶ παρ' αὐτῶν τις αὖ ἐν τῇ ἡμεραίᾳ πολιτείᾳ, καὶ ἄλλα  
εὗροι Σικελῶν ὀνόματα, θιον, θυγγίαν, ὅπερ δαίεται χαλ-  
κὸν ἔνα. cæterum apud eundem (Aristotelem)  
in Himereorum Republica, alia quoque inuenias  
nomina Siculis vsitata; vt vnciam, quæ valet obo-  
lum æratum vnum, is Græcis chalcus dicitur. Est  
autem vncia pars assis duodecima, itaq. granorum  
26 vt proximè. vidi posterioris seculi, iisdem notis  
cum superiore illo quadrante, pondere 16 grano-  
rum. Vnciariæ stipis Plinius meminit lib. 34. cap. 5.  
Extra portam trigeminam vnciariâ stipe collarâ.

*Sextula*. Varro: denique æris minima pars sextu-  
la, quod sexta pars vnciæ. videlicet illo seculo cum  
asses essent librales.

*Dupondius*, à duobus ponderibus, quod vnum  
pondus as, vel assipondium vocabatur. nam as li-  
bræ pondere erat ab initio. Itaque duo asses dua-  
rum librarum pondere; vnde & dupondius dictus.  
sed cum postmodum asses semunciales facti sint le-  
ge Papyrianâ, dupondii quoque vnciales fuere;  
quamdiu autem, mihi quidem non liquet. Postmo-  
dum certè dupondios quoq. semunciales per c us-

fos, nummos autores dabo. Vidi vnum à Nerone  
 integerrimum ex quo vix quidquam decessisse ar-  
 bitrari possis, & qui antiquitatem spiraret, non si-  
 gnorum impressorum sculpturâ solum & formâ,  
 verum ipsa quoque materiâ aurichalci æmulâ. in-  
 scriptio circum caput imperatoris, vallari (vt vide-  
 tur) coronâ redimitum, ita erat. *Nero Claud. Caesar*  
*aug. Germ. tr. p. imp. p.* Parte aduersa victoriæ  
 etigies, vtrimque à latere S. C. literis maiusculis,  
 significans nummum hunc senatus consulto per-  
 cussum. hos enim duos characteres fere in omni-  
 bus nummis æreis videre est, in ora autem *victo-*  
*ria Augusti*, infra victoriæ pedes numeralis hæc  
 nota 11. quam dupondii veterem notam signifi-  
 care nemini dubium esse potest, qui sestertium,  
 qui ab initio quoque valebat duos asses cum se-  
 misse, tum ita propterea notatum 11. s. ex Volusio,  
 cæterisq. didicerit. Hic prædictus Neronis dupon-  
 dius pendebat duntaxat grana 252, itaque viciæ  
 semissi longè cedebat. Vidi alium à Iulia percus-  
 sum, qui planè semuncialis esset, granorum 320,  
 omninò tanquam ad id præscriptum factus. A  
 Tiberio quoque cum istâc inscriptione *Ti. Clau-*  
*dus Caesar Aug. P. m. tr. p. im. p.* cum effigie mu-  
 liebri, parte auersa caput muliebri eximia venu-  
 state, matronalem modestiam præ se ferens, infra  
*pietas.* trahebât pondus granorum 254. Ab Augu-  
 sto item vnum, cum hâc inscriptione, *Diuis Au-*  
*gustus*, vtrimque à capite S. C. parte auersa *consen-*  
*su senatus & eq. ordin. p. q. r.* is pendebat gra-  
 na 318. Sunt alii præterea complures, sed hos ad  
 institutum sufficere arbitramur. Hæc autem non  
 propterea ita pensiculatim examino, tanquam in  
 granis



granis æris 10, 20, aut 30 hic rem nummariam vacillare arbitrer: sed vt planum sit dupondios, qui lege Papyrianâ vnciales primuin fuerant, ipsis nummis in rem præsentem adductis, postmodum ad vnciæ semisseim redactos. Nam etsi rari semunciali pondere ita accuratè tanquam ad minutum signati extent: nobis tamen satis fuerit, commonstrauissè hos nummos, saltem sub Imperatoribus, quorum nobis tantum facta est copia, ita præter propter signari solitos. His enim vestigiis sesteriorum æreorum valorem & pondus infra suo loco in lucem eruam. Constat præterea, nos ex hac analogiâ assium pondus vnciæ quadrante, semissium parte octauâ, atque ita porrò reliquas assis partes vero & legitimo pondere definiuisse. sed dupondiorum aliquot conspectum & pondus hic subiiciam.

| parte vnâ  | parte alterâ   | grana   |
|--|--|---|
| <p>Julia. <i>C. reliqua non poteram legere.</i></p> <p>Diuus Augustus</p> <p><i>urimque. S. C.</i></p> <p>Imp. Ti. Claudius</p> <p>caesar aug. P. m. im p.</p> <p>Ti. caesar Diui Augusti f. augustus imp. viii.</p> <p>Imp. Nero Claud. caesar aug. ger. p. m. tr. p.</p> <p>Imp. caes. Vespasianus</p> <p>cos. iiii</p> <p>Vespasianus aug. cos. iiii</p> <p><i>reliqua legere nō potui.</i></p> | <p><i>tres foemina sacrificantes</i></p> <p>Consensu senat. &amp; eq.</p> <p>ordin. P. q. R. <i>sedens in sella porrectâ manu ramum tenens</i></p> <p><i>Caput muliebri demisso</i></p> <p><i>secundum tempora &amp; genas sipario. infra Pietas</i></p> <p>Pontif. maxim. tribun.</p> <p>pōtest. xxi i i. in medio maximis literis S. C. <i>situ aliquantum imminutus.</i></p> <p><i>Victoria alata; circum</i></p> <p>gusti victoria: <i>infra pedes</i></p> <p>ii. nota dupondii.</p> <p><i>Iustitia bilancem manu tenens, in orâ æquitas Augusti infra S. C.</i></p> <p>Nota fugientes</p> | <p>320</p> <p>318</p> <p>254</p> <p>233</p> <p>170</p> <p>260</p> |

Imp.

Imp. cæs. Vespasianus  
aug. Cof.

*Victoria Coronam manu  
exserta tenens: in ora Roma, 297  
infra S. C.*

Imp. cæs. Traiano  
optimo aug. Ger. dac.  
P. m. Tr. p.

*Columna cui statua im-  
posita. Circum Senatus po- 310  
pulusque Romanus. in-  
fra S. C.*

Diua Faustina. in ho-  
norẽ Faustina iam defun-  
ctæ ab Antonino percussus.

Æternitas. SC 251

Inscriptionem integrè ita leges, vt in nummio quinto, Imperator Nero Claudius Cæsar Augustus, Germanicus, pontifex maximus, tribunitiæ potestatis. atque in cæteris consimiliter. quod hic semel monuisse sufficiat.

Atque hæc quidem de dupondio, deque aëreo & eius partibus dicta sunt. Sequitur numisma argenteum. Populus Romanus ne argento quidem signato ante Pyrrhum regem deuictum vsus est. Q. Fabio Pictore consule, quinque annos ante primum bellum Punicum, hoc est, vt ex Liuiο constat, anno vr̄bis 484, ante quam Deus hominem induit annis 267.

*Denarius, quinarius, qui & victoriatus, sester-  
tius fuere ex argento: sed & sester-tius quoque post-  
modum ex ære.*

*Denarius.* Varro: in argento nummi denarii, quod denos aris valebant: quinarii, quod quinos: sestertius, quod semistertius. Er, nummi denarii, decuma libella, quod libram pondo as valebat, & erat ex argento parua. Itaque denarius olim decuma libella à valore appellatus: postea etiam libella argenti. Plautus Pseudolo, siquidem hercule etiam supremi promptas thesauros Iouis, Tibi libellam argenti nunquam credam. & rursus in eadem comæ-



comœdia absolute posuit libellam. Sed tu bone vir flagitare sæpè clamore in foro, cum libella nusquam est. Cicero Verrina 4: Et quis Volcatio, si sua sponte venisset, vnam libellam dedisset? Et pro Q. Roscio Comœdo, ait ad libellam sibi deberi, tanquam ne vnus quidem denarius à postulata summâ abesse possit. quod pro Quintio per denarium extulit. inquit enim: decidis statuisque tu, quid iis ad denarium solueretur. Omnium verò scriptorum consensu denarium pro decem assibus datum liquido constat. Festus, deni asses, singuli pondo libras efficiebant denarium, ab hoc ipso dictum. Plinius, argentum signatum est anno urbis 585 ( lege ex Liuiō 484 ) & placuit denarius pro decem libris æris, quinaris pro quinque, festerius pro dupondio & semisse. Plutarchus in vita Camilli, ἀσάριον ὃ ἐστὶν τὸ ἀργύριον, καὶ δηνάχαλλον οὕτως ἐκαλεῖτο δηνάριον, assis enim erat pecunia, & decussis vocabatur denarius. Nota denarii initio quidem bigæ & quadrigæ cum caractere x, & inde bigati quadrigatiq. dicti, inquit Plinius, quorum mentio apud Liuiū frequentissima. Tacitus de moribus veterum Germanorū ubi initium quoq. serratos huc annumerat, qualem fuisse puto denarium infra in catalogo tertium, vel saltē septimū. Postmodum tamen denarii nota pro signantis arbitrio variata, vt Romulus & Remus lupam sugentes, vel Sabinarum raptus, Ianus biceps, Virgo Vestalis, aliæque: quandoque etiam triumviri, prætoris, consulis, & postea plerumque imperatoris effigies. Vnde illud Christi, cū Pharisei quærerēt, an ipsis Cæsari tributum esset pendendum, Exhibete mihi, inquit, numisma census: quibus denarium afferen-

tibus,

tibus, quæsiuit, cuius imagine & titulo signatus esset: ipsis rursus Cæsaris imagine & titulo notatum dicentibus: respondit, date igitur Cæsari, quæ sunt Cæsaris, & Deo, quæ Dei. Cæterum pondus omnium æquale fuisse Plinius autor est lib. 8 c. 12, vbi de Anni Plocami, qui maris rubri vectigal à fisco redemerat, liberto loquitur. Is aquilonibus in Taprobanem vsque abreptus, ad regem deductus est, qui mirum in modum Romanorum iustitiam suspexit, quod pares pondere denarii essent in captiuâ pecuniâ, cum diuersæ imagines indicarent à pluribus factos. quod vt verum fuerit de nummis illius & superioris ætatis, sub posterioribus certè Imperatoribus multum præco ponderi decessit. Verùm quæ res hæc clarius liqueat, rem ipsam paulo altius repetam, & nummos auctores dabo. Denarius fuit libræ Romanæ quarta & octogesima pars, tot enim ex eâ signabatur, quemadmodum Plinius libro 33 capite 9 scripsit. Miscuit, inquit, denario triumuir Antonius ferrum. miscuit æri. Alii è pondere subtrahunt, cum sit iustum LXXXIIII è libris signari. hanc eandem sententiâ disertis verbis, Cornelius Celsus libri 5. cap. 17 confirmauit. Sed & antea (inquit) sciri volo, in vnciâ pondus denariorum septem esse. idemque à Scribonio Largo, qui Tiberii ætate vixit comprobatur. Sic illi. à quibus Isidorus libri 16 capite 14 longe abit diuersus: cui drachina octaua pars vnciæ est, & denarii pondus argenti. Hæc tam pugnantia ætas & consuetudo facile conciliabunt. Sed vt clarius denarii argentei ratio omnibus liqueat, & quasi ante oculos versetur, quemadmodum singulorum pondera expenderim plane explicabo,



plicabo, ut cuique arbitratu suo iudicandi potestatem faciam. Romanos sane libras singulas in duodenas vncias partiri solitos iam diximus: vnciae autem singulae ab aurificibus nostris in vicens partes dispeſcuntur, quos illi anglicos vocant; anglici porro singuli in tricenae binas partes alias subdividuntur, quae grana (à frumenti granorum pondere) dicunt. ut vnciae singulae grana 640 pendant: & libra Romana vnciarum duodecim grana 7680. Quamobrem si vncia Romana habuerit denarios octo, libra habebit denarios 96, denariiq. singuli appensi aequabuntur granis 80. Atqui verò si cum Celso, Scribonio, Plinioque vnciae tribus denarios septem, singulorum pondus fuerit 91 granorum, ut proxime. Id verum sit, an secus, libet experiri, proposito tanquam in tabella, pondere aliquot denariorum integerrimorum iuxta & vetustissimorum, ex argento purissimo, quorum vberem copiam instructissimae Cnotterorum, & aliorum amicorum arculae mihi suppeditauerunt, atq. illos quidem, quantum omnibus signis conicere poteram, legitimos. Signatura igitur, & pondus, in quo argenti bonitas quoque in rationem venit, huiusmodi erant.

parte vnâ.

parte aduersâ.

Caput incomptum, barba  
impexa & horrida. à vertice,  
Sabini. nummus cerſe per  
quam antiquus.

Alius eodem argumento,  
& ante os Sabini, nota iam  
fugitiua.

L. Tituri duarum <sup>pondus</sup> <sup>granorum.</sup> <sup>sa. 86.</sup>  
binarum raptus.

Sed, quod facile nosceres 75.  
non eodē tempore percussus.

Caput

Caput muliebre caprina pelle lectum cornibus retrorsum auersis, cum his literis S. C. in orâ crebris crenis, tanquam ferra, incisus.

Mulier alata, qua victoria est, quadrigis inuecta, supra equorum capita hic numerus, CXVIII. infra pedes equorum nota fugientes. nummus integerrimus.

Bigæ. supra equos stella tres, infra pedes Tanaquil. & sub hoc lineolâ interiectâ Roma.

Ianus bifrons cum literarum notis, quas colligere non poteram.

Quadriga, sed literarum charactere refugo, ut sub equorum pedibus istas literas duntaxat nositare potuerim N. C. F.

Caput virginis, circum Q. Cacar. Vest.

Caput virile Q. Sici-  
nius III vir

Caput Mercurii cum petaso & pinnulis, oculis clausis, à vertice Roma. nummus cui vix quidquam decessisse diceres.

Bovis iunctos agit bubulcus, infra imp. cæsar.

Caput humanum, à vertice Pansa. erat & alter pari pondere & signaturâ.

Capricorni signum cum statua humana utrimque infra cæsares in ora august. f. reliqua non capiebâ.

L. Proculi filia. mulier 84  
bigis inuecta.

Caput humanum, cui à 80  
vertice tridens, credo Neptunum esse, sine inscriptione.

Effigies femina, capite 71  
coronato. sub mento eius x. antiqua denarii nota.

Nescio quid. nummus in 73  
teger & bonus.

Caput humanum, nescio 76  
quo serrato circulo supra verticem inflexo pone verticem Roma. infra mentum x. denarii nota.

Nescio quid. 72

C. Codonius pr. S. C. 74

Quadriga, supra caput 76  
equorum corolla, victoria alata palmarum dextra tenens curru inuehitur. infra M. Tull. Ciceronis est.

Signum absque inscri- 73  
ptione.

Quadriga, subtus C. Vi- 82  
bius C. nescio an eadem bonitate argenti cum ceteris.

Aug. f. Augustus p. p. 79

Augustus.

Pontif. maxim. Iuppiter 77  
*sedens cum fulmine & sci-*  
*pione.*M. Durmius III vir  
honor.Augustus Caesar. ele- 80  
*phanti duo currum trahen-*  
*tes.*Ti. Caesar diui aug. f.  
august.Pontif. maxim. Iuppi- 70  
*ter sedens cum fulmine &*  
*scipione.**Equus è carceribus emissus*  
*infra August.*

Augusti diui F. 78

Imperator Cæs. Vespasianus aug.

Iudæa. Iudæa mulier plo- 75  
*rans.*Imp. Traiano. aug.  
ger. dac. p. m. tr. p. Cos.  
vi. p. p.S. P. Q. R. optimo prin- 63  
*cipi. vir quasi sedens ad*  
*umbilicum nudato pectore,*  
*rotam sinistra, ramum de-*  
*xtra tenens, infra via Traia-*  
*na.**Eadem signatura fugien-*  
*te litera.*S. P. Q. R. optimo 60  
*principi. columna imposita*  
*statua.**Vir manu tenens lucer-*  
*nam.*S. P. Q. R. optimo prin- 69  
*cipi. multo are mixtus.*Imp. Antoninus Pius  
aug. effusus anno 1600 pro-  
pe Basileam.... Cos. III. p. p. cui sita 48  
*non parum decesserat.**Alius quoque.*Diuus Marcianus P.  
aug.Victoria Augusti infra 41  
*Con. ob. id est, Constanti-*  
*nopoli ob signatum.*

Istos duntaxat è maximo cuinulo delegisse suffi-  
ciat. Ex quibus liquidò constat denarii pondus 80  
graua (modò duos, Sabinarum raptum, & L. Pro-  
culi filiam, qui sunt primus & tertius, excipias) non  
excedere. Hi autem si veri sunt, certe legitimos  
fuisse mihi persuasissimum est, cumque argenti bo-  
nitate nulli nummo cederent, & illum Sabinarum  
raptu notatum quatuor aut quinque granis detri-



tum res ipsa loqueretur, equidem eos ita ab initio, isto pondere institutos censendum, ut pondus  $91\frac{1}{2}$  granorum explerent. E reliquis porro nullus ad id pondus assurgit: ita enim omnes à Cicerone, Augusto, cæterisque signatos intra septuaginta & octoginta grana coërceri videmus: neque istos solum, quorum titulos & pondera annotauimus: verum alios quoque quamplurimos, quorum descriptionem hic consultò omisimus: ut ex eorū analogiā planum sit à  $91$ , aut  $92$  ad  $80$  grana paulatim, quasi per gradus iustum denarii pondus esse contractum. Atque ideò cum ex libra initio quatuor & octoginta denarii  $91\frac{1}{2}$  granorum signarentur: postmodum sex & nonaginta pondere granorum  $80$  signari cœperunt. Vtrum verò libra Romana centenaria quoque euaserit, ut centum denarii senatus consulto ex eo signati sint, nullo autore confirmari potest. quamuis enim denarii pōdus etiam sub consulibus ad  $77$  grana & infra accisum sit, ut inde expeditum sit colligere centum denarios tales è librā signari potuisse: malim tamen expressis Plinii verbis, quam obscuris & incertis coniecturis fidem habere, ut potius iniuriam reipublicæ factā, tantumque à iusto pondere subtractum existimem. Verum ne hīc quidem auaritia sibi modum fecit: cum vix ad Traiani tempora ea ratio certa tecta permanferit. Tres enim nummi illi ipso imperante signati  $\frac{1}{3}$ , hoc est  $16$  granis facile à iusto  $80$  granorum pondere deficiunt. Et rursus Imperii sede Constantinopolim tralatā quinta altera denarii ponderi detracta, ut vix  $\frac{3}{5}$  denarii Romani antiqui, quales Sullæ, Ciceronis & Cæsaris ærate signabantur, æquiparet. Posterioribus enim seculis,

culis, venali iam imperio, ob militum rapinas, & Principum donationes, argenti æstimatio, & haud dubiè quoque auri multum excreuit, vt tum denarii argenti 144, pondere granorum 53 è singulis libris signatos sit verisimile; quo tempore primam aurei solidi 72 Principum constitutionibus libram impleuerunt: ita enim ferè aureus nummus argentei fuit pondere duplus. quod isto auo experientiâ comprobatur. Et hæc quidem de pondere sufficiant. Superest vt denarium cum partibus suis paulo accuratiùs contendamus. Quemadmodum enim denarius asses decem, ita quinarius quinque, sestertius duos asses cum semisse initio valuit: dupondius enim & semibella antiquis sestertius est, inquit Varro. Rectè antiquis, non sua ætate, id enim obtinuit duntaxat ab anno vrbs 484, quo primùm argentum signari cœpit, ad annum vrbs 545: postea namque denarius, quinarius, & sestertius pluribus assibus commutabantur. quod ex Vitruuio, Plinio, & Volusio Meriano constat. Q. Fabio Maximo dictatore asses vnciales facti, placuitque denarium xvi assibus permutari, quinarium octonis, sestertium quaternis, inquit Plinius lib. 33. cap. 3. Et Vitruuius lib. 3 cap. 1. Nostri autem primò decem fecerunt antiquum numerum, & in denario denos æreos asses constituerunt, & eâ re compositio nummi ad hodiernum diem denarii nomen retinet: etiamque quartam eius partem, quod efficiebatur ex duobus assibus & tertio semisse, sestertium vocitauerunt. & paulò post. ita efficitur vti habeat pes sedecim digitos, & totidem asses æreos denarius. Denique Metianus, denarius primò decem asses valebat, vnde &

nomèn traxit. & paulò post: Nunc denarius sedecim, victoriatuſ & quinarium octo, ſeſtertium quatuor aſſes valet. Omnes igitur iſti vno ore denarium ſedecim aſſibus commutant. ſub Auguſto, Vitruuius: ſub Veſpaſiano, Plinius: ſub Antonino Pio, Metianus. Vt planè fruſtra ſint, qui nobis denarium ſub exitum Auguſti duodecim aſſibus commutate conantur: idque vnico aliquo Taciti loco è primo Annalium permoti: ſed qui ad hanc rem nihil faciat. Nam quod ita rationem putant, cùm illi milis ſeditionem moliens queratur decem in diem aſſibus animam & corpus æſtimari, proque eo denarios ſingulos poſtulet: menſtrum porrò militis fuiſſe aureum Romanum, quinque & viginti denarium: hoſque per 30 dies diuiſos facere  $\frac{25}{30}$ , hoc eſt, reductis terminis  $\frac{10}{12}$  vnus denarii, ſtipendium militis diurnum, qui ſint, vt ipſi queruntur, aſſes decem: atque inde effici denarium tum 12 aſſibus permutatum, ratione omnino caret. Neque enim vnquam probabunt aureum Romanum, illa tempeſtate, militis menſtrum fuiſſe. Quin cõtra ſtatuo milites limitaneos minus aureo cepiſſe: ſed quaſi denarios viginti, aut præter propter. Eius rei è Polybio, Suetonio & Tacito ſymbolas colligam. E Polybio, menſtrum militis ſua ætate fuiſſe denarii partem tertiam: id nos libro ſexto docet hiſ verbis, *ὁ ψώνιον δ' οἱ μὲν πρὸς λαμβάνουσι τῆς ἡμέρας δύο ὀβολοὺς, οἱ ὃ ταξίαρχοι διπλοῦν, οἱ δ' ἰσθαῖς δ' ἑαχμὴν*. Pedites ſtipendium in diem accipiunt obolos duos, duētores ordinum duplum, equites drachmam. E Suetonio, ſtipendium militibus duplicatum: hoc de Iulio Cæſare prodidit capite 26, Legionibus ſtipendium in perpetuum dupli-



duplicauit. idque iam ante bellorum ciuiliu-  
 tumultus;credibile interim per bella ciuilia,vel ipso,  
 vel Octauio imperante militum stipendiis non nihil  
 commodi accessisse: sed Octauius illis periculis  
 iam defunctus, quicquid vbique militum esset,  
 ad certam stipendiorum, præmiorumque formu-  
 lam adstrinxit: inquit idem cap. 49. hoc est, vt ego  
 interpretor, legem Iuliam de duplicato militum  
 stipendio reuocauit: excepta cohorte prætorianâ,  
 quibus binos denarios in diem assignauit. Hoc è  
 Tacito, militumque querelis clarum est. Vt itaque  
 prima nouissimis conferamus: Polybio militis  
 diurnum est pars denarii tertia, hoc est, si dena-  
 rium intelligas decussissexim, ( vt Vitruuius lo-  
 quitur ) asses quinque cum triente: duplicauit sti-  
 pendium deinde Iulius: fuere ergo asses decem  
 cum gemino triente, qui sunt  $\frac{2}{3}$  denarii; atque ita  
 euident est  $\frac{2}{3}$  denarii tricies sumptas, hoc est, de-  
 narios viginti militis menstruum fuisse, nam bini  
 in diem denarii prætorianorum diurnum, faciunt  
 60 denarios in mensem, triplum peditis limitanei:  
 quâ in re eorum stipendium equitum stipendiis  
 exæquatum constat. Itaque 20 denarii, eius numeri  
 pars tertia est militis diurnum. quod verò 10 asses  
 solidos tantum numerent, gemino triente negle-  
 cto, id vel *ποικιλιστικῶς* ad inuidiam augendam di-  
 ctum arbitror, vel verè quidem, sed vt duo trien-  
 tes è militis diurno ita deducti sint, vt pro eo fru-  
 mentum acciperet; quod maximo illorum com-  
 modo factum constat. Denique verò etiam vt de-  
 narium decussissexim comprobem dupondiariorum  
 festerriosque nummos huc aduoco: Quos ab  
 omnibus Imperatoribus ita signatos experientia

docet, vt sestertius ad dupondium eiusdē temporis sit quasi duplus. Quare dubium amplius esse non potest, quin à Iulio vsque denarius decussissexis, hoc est, assium fuerit senū denū. De ætate superiore saltem dubios nos Polybius facit: qui secundo historiarum de Gallia togata scribens, tantam rerum omnium vilitatem prædicat, vt pro cœna reliquisque necessariis, tantum dimidius assis expendatur, quem ait valere oboli partem quartam, verba ista sunt, ἡμῶν αὖ, τοῦτο δὲ ὄντι τέταρτον μέρος ὀβολῶν. quare assis vnus fuerit oboli dimidium (nam oboli Attici sex denarium efficiunt) & asses duodecim denarium implebunt. Autor diligentissimus, Romanæ consuetudinis haud ignarus, & Africani Iunioris qui Carthaginem funditus deleuit præceptor. cur ei, de suâ ætate porissimum scribendi tam disertis verbis, non credam, causæ nihil habeo: optârim tamen hoc idem aliorum exemplis comprobatum, vel certè illustratum. neque enim constat quando, aut quo primū auctore id factum sit, nisi diuinare libeat id tum institutum, quando Populus Romanus tributum pendere desit, Antiocho deuictō: vt tum æris pretium, ob argenti uberem copiam, paulum excreuerit. Ego quidem adhuc ἐσέχω, donec certiora ex aliis scriptoribus, aut nummis autoribus proferantur.

*Quinarius*, etiam Victoriatus. Volusius Metianus: Est autem Victoriatus semis denarii, & nunc tantundem valet, quantum olim quinarius. Varro libro nono de linguâ Latinâ, quam rationem, inquit, duo ad vnum habent, eandem habent 20 ad 10: In numeris, in similibus, sic est ad vnum victoriatum denarius, sicut ad alterum victoria-

tum

tum alter denarius. Nominis originationem docet Plinius libri 33. capite 3. verba adscripti. Qui nunc Victoriatus appellatur lege Clodia percussus est. Antea enim hic nummus ex Illyrico aduectus, merciũ loco habebatur. Est autem signatus Victoriã, & inde nomen. Itaq. Victoriatus à Victoriã f. gno dictus. Huius nummi Cicero meminit pro Fõteio. Triturium, inquit, Tolosæ quaternos denarios in singulas vini amphoras portorii nomine exigisse, Crodimi Porcium & Numium ternos victoriatos. Liuius quoque libro 41 de C. Claudii triumpho rebus in Histria Liguribusque prosperè gestis. Tulit in eo triumpho denariũm 30700, & Victoriatũm 85702. Ex argento purissimo vnum vidi, eumque integerrimũ, quem ad me misit vir nobilis Nicolaus Rockox, antiquitatis studiosissimus, & nummorum veterum æstimator solertissimus; pendentem grana quatuor & quadraginta; pondere legitimo: id enim ad dimidium iusti denarii pondus quamproximè accedit. Inscriptio & nota vtrimque talis erat. parte vnã caput Mercurii cum petaso & pinnulis, pone verticem V, nota quinarĩi seu Victoriati, autore Metiano. Parte alterã duo equites hastati citatis equis inuecti. infra pedes *Roma*. Alios plures videre licet in illã nummorum diuite arcã, vnde hunc ipsum deprompsimus.

*Sestertius*, quasi semissis tertius, vt in lege duodecim tabularum pes sestertius, sunt pedes duo & semis: quã analogiã veteres Latini trientem tertium dixere. id enim significare ait Cincius mystagogicũn libro secundo, duas libras pondo & trientem. neq. aliter Græci: Pollux libri



9. capite 6. ἀρχαία δ' ἡ χρῆσις ἐν ἡ τῷ, πέμπτον ἡμιτάλαντον, ἔσθμον ἡμιτάλαντον, & addit τὸ πρὸ αὐτοῦ ἀειθμόν, ἀλόκληρον εἶδ' δει, oportet numerum antecessentem integrum sumas. ita tum erunt quinque talenta cum semisse, quando πέμπτον ἡμιτάλαντον dicunt, non quinq. talentorū semisses. est itaq. fester-tius dictus, quasi semissis tertius: dupondius enim & sennella antiquis fester-tius est, inquit Varro. Postea quaternis fester-tiis commutatum Vitruvio, Plinio, Volusioq. autoribus dictum est. Ex argento fuisse Varro, Pliniusque docent: qualem se aliquando vidisse vir nobilis Nicolaus Rockoxius mihi testatus est. eius pondus itaque quasi granorum 22. Postmodum tamen ex ære, sed optimo signatum, Plinius conceptis verbis libri 34 capite 4 testatum reliquit. Summa, inquit, æris gloria nunc in Marcianum conuersa, quod & Cordubense dicitur: Hoc à Liuiano cadmiam maximè sorbet, & aurichalci bonitatem imitatur in fester-tiis dupondiarisq;, Cyprio assibus suis contento. Huiusmodi hodieque quam plurimi circumferuntur: sunt enim ærei illi maximi, vnciali fere pondere aut paulò infra. Subiiciam inscriptiones aliquot, cum pondere.

| parte vnâ  | parte alterâ   | grana                |
|--|--|----------------------|
| C. Cæsar dict. perpetuò.                         | <i>Signa aliquot &amp; nota, 389<br/>ut videntur, hieroglyphica.</i>   |                      |
| Ti. Claudius Cæsar<br>p.m. tr. p. imp. p.p.      |  | Antonia Augusta. 385 |
| Ti. Claudius Cæsar<br>aug. p.m. tr. p. imp. p.p. | <i>Caballus supra fornicem<br/>positus, à latere utrimque<br/>S. C. in ora Nero Clau-<br/>dius Drusus German.<br/>imp.</i> | 569                  |
|  |  | Ti. Cæ-              |

Ti. Cæsar Augusti F.  
imperator.

*Dua victoriola super co-* 614  
*lumnas posita, laureas ma-*  
*nibus tenentes, & mutuo se*  
*aspectantes: infra Rom.*  
*& Aug.*

C. Cæsar aug. Ger-  
manicus. .... tr. pot.

*Tres sorores eius, gestan* 450  
*tes cornu copia. Agrippina*  
*Drusilla Iulia infra S.C.*  
*adi Sueton. in Caligula*  
*cap. 24.*

Nero Claud. Cæsar  
Aug. Germ. p. m. tr. p.  
imp. p. p.

*Virguncula victoriam* 510  
*dextra manu gestans utrim-*  
*que S.C. infra Roma.*

Nero Claud. Cæsar  
aug. Ger. p. m. tr. p.  
imp. p. p.

*Annona Augusti Ce-* 440  
*res, infra S.C.*

Imp. Orho. Cæsar  
Aug. tri. pot.

*Signiferi tres imperatori* 315  
*sacramentum dicunt in ora*  
*Securitas P.R. infra S.C.*

Imp. Cæf. aug p m. tr.  
p. p. p. col. viii.

*Iudaus stans, Iudæa se-* 424  
*dens sub palmâ & patria*  
*vassitatem deplorantes in*  
*ora Iudæa capta.*

Imp. Cæf. Vespas. aug.  
p. m. tr. p. p. p. col. iii.

*Miles armatus, utrim-* 476  
*que S.C.*

Imp. Cæf. Vespas. aug.  
p. m. tr. p. p. p. col. iii.

*Mulier manu tenens* 496  
*nescio quid. S.C.*

Hadrianus aug. col.  
iii. p. p.

*Pons quinque fornicibus,* 614  
*substructus, cum statu*  
*quatuor S.C.*

Diua Faustina. ab Au-  
relis Ant. in honorẽ defun-  
ctæ coniugis percussus: post  
apotheosin enim demum  
Diui appellatio.

*Iunonis effigies, à latere* 596  
*S.C. ante pedes pauo, infra*  
*Iuno.*

Sufficiat è tantâ copiâ pauculos hosce propo-  
suissè, quorum exemplo commonstrem æreos se-  
stertios vnciales fuisse. Nam ut ut pondere, vel ab  
eodem principe, vario signati sint: illud interim  
planum sit, semper ad vnciarium pondus quo-  
b 5 dammodo

dammodo aspirasse, ut Tiberii tres 385, 569 614 granorum. Neronis item duo 440, 510. Vespasiani tres 424, 476, 496. Hadriani duo 596, 614. ut quasi per intervalla ad iustum pondus recursum sit. Sestertius igitur ita institutus est, ut pondere & valore dupondii esset duplus. Comparato namque dupondium Neronis 252 granorum, cum eiusdem sestertiis 440, 510. Itemque Tiberii dupondium 254, cum sestertiis eiusdem 385, 569, 614. Et Vespasiani dupondios 176, 260, cum sestertiis 424, 476, 496. Ceterosque itidem inter se, illud planè liquebit sestertios dupondiorum duplos ut proximè, nunquam autem sesquialteros, quod satis argumenti arbitror sestertium duobus dupondiiis, hoc est quaternis assibus, saltem sub Imperatoribus commutatum. Neque enim necesse est hîc, quemadmodum in auro, pondera ad minimas quasque particulas congruere. Quamobrem, sestertii vnciales, dupondii semunciales, & asses quadrantales sunt: illud enim pondus grauissimi quique circa hæc tempora percussi implent: si quo minus pendent, id ex iusto pondere subtractum, tot nummorum argumento facile intelligitur. Dupondium namque & assen eo, quem supra definiuimus pondere percussos expressim inelegantissimo illo Cleopatrarum fragmento, apud Galenum de ponderibus & mensuris legitur. ὁ σατὴρ ἄγει δραχμὰς δ', καλεῖται δὲ αὐτὸν τετραδραχμον, ἢ τὸ διπύριον ἢ οὐσίως ἄγει δραχμὰς δ', statim pendet drachmas quatuor, quem tetradrachmum vocant: & dupondius itidem quoque drachmas quatuor. Et rursum, ἀσάριον ἔχει δραχμὰς β', assis habet drachmas duas. Atque initio:

καλεῖται



καλεῖται ἡ ἐν ἰταλίᾳ τετραάσαρον ἰταλικὸν, vocantur autem vicia quatuor asses Italici. Nihil potuit dici illustrius, ita signatè vtriusque pondus nobis expressit. quia enim senatusconsulto tum ita signarentur, eorum quoque pondus ad medicum usum transiit, ut denariorum & drachmarum. Nota sestertii apud Metianum & Priscianum hæc est H. S. Nam cum initio sestertius valeret libras duas & semis, eius numeri notam ex usu notarum recepto expresserunt hoc modo 11. s. quæ tandem consuetudine scribentium in illam formulam degeneravit. Caterùm ubicunque apud veteres de monetâ Romanâ nummum absque ullâ aliâ adiectione leges, semper de sestertio nūmo intelligas.

*Sestertium autem genere neutro non monetam, sed pecunie summam significat, quæ mille sestertios, vel ducentos & quinquaginta denarios valuerit: hoc est libram auri Romanam & semis.* Id è Verrinâ tertiâ planum fiet, ubi orator ait exportationibus Verris, socios publicanorū sestertia sexaginta perdidisse, ex vicesimâ portorii Syracusis: vnde concludit pauculis mensibus furta prætoris, quæ essent sestertium duodecies ex vno oppido exportata esse. Publicanorum enim societas ex portorio capiebat partem vicesimam, quâ Verres illos fraudabat, quoddam has merces immunes tanquam prætorias exportaret. Valuit igitur mercium ipsarum æstimatio & pretium, eius summæ vigecuplum, hoc est sestertia 1200, quam eandem summam Cicero taxat sestertiū duodecies, Latina & veteri locutione, id est, enuntiatione plenâ, sestertiis nummis duodecies centenis millibus. Quamobrem cū 1200 sestertia valeant 1200000 sestertios, singula  
sestertia

sestertia mille sestertiis nummis æquiparantur. Argumentum alterum ex comparatione locorum Taciti & Plinii Secundi in medium afferam. Quod enim Plinius Secundus epistolâ ultimâ libri quinti ait, Nepotem Prætorem aduocationes venire & emi edictocauisse. Peractis tamē negotiis permisisse pecuniam decem millium dare: videlicet decem millia sestertium; id Tacitus vndecimo Annalium dena sestertia dixit: inquit enim de Caio Principe: Capiendis pecuniis posuit modum, vsque ad dena sestertia. Eandem summam patrono tribuit Vlpianus digesti, lib. 50 titulo 13 paragrapho 12, de variis & extraordinariis cognitionibus. Licita autem quantitas, inquit, intelligitur pro singulis causis vsque ad centum aureos. sed centum aurei sunt bis mille & quingenti denarii vel 10000 sestertii, quemadmodum in aureo Romano statim ostendimus. Quare singula sestertia, valent mille nummum sestertiū. quod hîc demonstrare constitueram.

E Romano numismate aureum adhuc superest. Nummus Aureus post 62 annum percussus est quam argenteus, anno vr̄bis 546.

*Aureus Romanus fuit 25 denariūm.*

Huius veritas mihi non diu quærenda fuit, Vlpiani illam legem cum superiorum Principum edictis comparanti: liquidò enim inde constat 100 aureos 10000 nummum æquari: itaque 100 sestertios, hoc est 25 denarios cum singulis aureis paria facere. Verum & aliunde quoque huius sententiæ stabiliendæ argumenta conquiram. In largitione Othonis paratum est nobis exemplum. Nam quod Suetonius in Othone cap. 4. dixit,  
Otho-

Othonem aureos excubanti cohorti viritim diuifisse, & Plutarchus χρυσὸν ἐκαστῷ στρατιώτῃ, illud Tacitus libro 17 annalium per sestertios hoc modo expressit, vt quotiens Galba apud Othonem epularetur, cohorti excubias agenti viritim centenos nummos diuideret, quamobrem aureus vnus nummos sestertios 100 valuit. Ecce & aliud ex eodem: Suetonius Domitiano, Addidit, inquit, & quartum stipendium militi; aureis ternis: id est, aureis illis ternis, quos ante sub Imperatoribus capiebant menstruum stipendium, Domitianus quartum adiecit. Zonaras eandem liberalitatem per drachmas extulit. Militibus (inquit) stipendium auxit, fortasse ob victoriam. cū enim singulis septuagenæ quinæ drachmæ soluerentur, centenas dari iussit. Ergo drachmæ, hoc est, vt paulò post patebit, denarii septuaginta quinque faciunt aureos tres, & viginti quinque singulos. Romani autem aurei pondus quale ab initio institutum, & quemadmodum deinceps imminutum, solus penè veterum nobis definiuit Plinius, si rectè legatur, libri 33 capite 3. Aureus nummus post annum LXII percussus est quàm argenteus, ita vt scrupulum valeret sestertiis vicens, quod efficit in libras ratione sestertiorum qui tunc erant, sestertios DCCCC. Post hæc placuit XLM signari ex auri libris: paulatimque principes imminuere pondus, minutissimus verò ad XLVM. Non dubium est quin locus hic corruptissimè legatur, quemque alij aliter restituant. Ego verò eum hoc modo legendum satis euidentibus argumentis ostendam. Aureus nummus post annum LXII percussus est quàm argenteus, ita vt scrupulum valeret sestertiis

vicens,



vicenis, quod efficit in libras ratione sestertiorum, qui tunc erant sestertiūm VM. DCC LX. post hæc placuit XLII signari ex auri libris: paulatimque principes imminuere pondus, minutissimus verò ad XLV. Rationem nostræ lectionis sigillatim explicabo. Cū enim ita signatè auri taxationem vicenūm sestertiūm in singula scrupula proponat, scrupulum verò vnciæ pars sit vicesima quarta, vel libræ 288, nihil causæ video, cur non audacter pro 900, reponam sestertium VM. DCC LX. significat enim auri æstimationem Romæ illo seculo ad argentum fuisse septendecuplam, quæ sua ætate iam minor esset. siquidem quatuor sestertii denarium, quatuor & octoginta denarii libram efficiant: diuisis itaque 5760 sestertiis per 336, quotus erit  $17\frac{1}{7}$ . valuitque tunc aureus vnus amplius denariis quatuor & triginta, qui postmodum denariis quinque & viginti commutatus est. Secundo pro XLM, reponendum censeo XLII. lapsus enim librarii facilis fuit, pro II scribentis M. Cur autem XLII legendum arbitrer, Plinius ipse causam nobis dicet. Nam cū è librā octoginta quatuor denarios signari iustum esset, vt supra docuimus, aureumque duorum denariorum pondere signatum satis constet: certè dubium nulli esse potest, quin XLII hoc loco sit reponendum. Erroris huius similitudo tertium quoque traxit. Cū enim è XLII fecissent XLM, non potuit aliter fieri, quàm vt pro XLV reponerent XLVM. Neminē arbitror ita pertinacē, qui in hanc sententiā non sponte suā concedat. aded enim clara sunt omnia, & veritati consentanea, vt dubitare & ambigere amplius non liceat. Quamobrem aurei Romani iustum

pondus

pondus faciliè his vestigiis eruemus: diuisis enim integræ libræ granis 7680, per 42 aureorum numerum, dabitur singulorum legitimum pondus quasi granorum 182. cùm primùm tot è libra signati sint. sed quemadmodum argenti iustum pondus paulatim accisum; ita quoque auri legitimo pondere per fraudem imminuto, tandem senatusconsulto ita constitutum, vt quinque & quadraginta è singulis libris signarentur. itaque tum pondus aurei iustum fuit granorum 170. Huius subobscura quædam vestigia in nummis antiquis supersunt. Nam cùm vix reperiās nummum aureum aliquem nullo alieno metallo adulteratum, vnde avaritia signantium non 2 aut etiam 3 grana succiderit: præterea tam diuturni temporis vsus totidem aut plura etiam detriuerit: inuenias tamen nihilominus nummos legitimos ab Augusto signatos, qui 163 granorum pondus impleant: à Tiberio 161. His si sex illa grana, quæ partim avaritia, partim vsu decessere, adicias, vides vt proximè dictum illud pondus expleri. Sed aureorum aliquot pondera, & quo autore signati sint, hic deinceps subiicere constitui. Si illud priùs testatus fuero, omnes hos nummos quorum pondera absque titulis propono, ex arculis & lectissima veterum nummorum gaza Nobilissimi viri Nicolai Rockoxii depromptos, qui pro suo erga rem literariam affectu, nostrâ gratiâ singulorum pondera ita expendit.

|                 | grana |           | grana |
|-----------------|-------|-----------|-------|
| August.         | 163   | Claudii   | 160   |
| Tiberii         | 161   | Neronis   | 158   |
| Drusi Germanici | 160   | Domitiani | 158   |
|                 |       |           | Ex    |

Ex his planum est Principum auaritia, vel temporis iniquitate paulatim nummariam rem accisam. quamuis negare non aſſim aureos eiſdem principis non ſemper eodem pondere ſignatos. Vi-  
di aureum Auguſti vix mille paſſibus à Lugduno Batauorū è terrā erutum, anno 1599, loco Room-  
burch nomen hodieque eſt, tanquam Romæopur-  
gum dicas. fuit illic olim Romanorum armamen-  
tarium quoddam & ſimul Batauicæ iuuentutis  
*ἀσπυρίσιον*, credo ne omnino militaris diſciplinæ ru-  
des ad Romana ſigna venirent. Cumque ſolum il-  
lud ſupra ſubiectos agros extaret, vt agri paſcui  
circumiacentes hāc terrā meliores fierent, com-  
planatus eſt, prout quiſque partem eiſ aliquam  
ſibi à fiſco redemerat. inde nummus hic, quem  
dico, erutus eſt, ita purus & aſper, tanquam re-  
cens ſignatus ex officina prodiſſet: parte vnā ha-  
bebat Auguſti effigiem expreſſam, hāc circum-  
oram inſcriptione *ſar Auguſtus*, ita vt. cætera  
marginem non cœpiſſe, facile noſcereſ: quemad-  
modum in Hiſpaniæ regum nummis quibuſdam  
hodieque vſu venire videmus. Parte alterā Iouis  
effigiem in ſellā cum fulmine & ſcipione ſedentis,  
appoſito circum oram titulo *Iuppiter. is*, vt videba-  
tur integerrimus, pende-  
bat exactè tantum grana  
153 vt vſu & malignitate ſignantium non parum  
ei detractum agnoſcas. Hoc ipſo pondere, aut non  
multò minore aliquot nummi anno 1607 etiam  
aliorum principum in Flandria inuenti ſunt, prope  
Aleſtum in pago Moſpelar, hic dum cultores agri  
altius moliuntur terram, olla ænea mille veteri-  
bus aureis nummis reſerta, inuenta eſt. ex eo nu-  
mero iſti ſunt.



|                                  | grana |                 | grana |
|----------------------------------|-------|-----------------|-------|
| <i>Mutidie</i>                   | 153   | <i>Faustina</i> | 151   |
| <i>Sabinae, quæ vxor Neronis</i> | 150   | <i>Faustina</i> | 152   |
| <i>Hadriani</i>                  | 151   | <i>L. Veri</i>  | 150   |
| <i>L. Elii</i>                   | 149   | <i>Lucilla</i>  | 152   |
| <i>Antonini Pii</i>              | 150   | <i>Commodi</i>  | 150   |
| <i>Marci Aurelii</i>             | 150   |                 |       |

Omnes ita integri, vt è nummaria officina tum primum prodisse videri possint, quemadmodum & ille Augusti: credo aurum ætate, etiam sub terram abditum, se in nitorem dare: nam nec rubigo, nec ærugo, neque salis aut aceti succus auri bonitatem consumit, aut pondus imminuit. Quamuis verò horum pondus Principum edicto imminutum, res ipsa haud leuem suspicionem nobis præbere possit, atque ex librâ iam octo & quadraginta signatos pondere granorum 160: hæcenus tamen obstat Plinius, qui iam suo tempore duntaxat quinque & quadraginta ex libris singulis signari testatum reliquerit. Cum interim illius ætatis nummi, vt ille Augusti Neronis, Sabinæ longe infra legitimum pondus subsistant.

Exinde verò iniquiore multò pondere percussos constat. Ab Heliogabalo extant granorum 132; ab Alexandro Seuero 130. vt quasi quinque & quinquaginta in libras singulas constitui possint granorû 140. A Seuero quoque aureorum semisses & trientes primum signatos. Eius Lampridius scriptum reliquit. locum integrum, quia huic loco oportunus, totum adscribam. Vestigalia (inquit) publica in id contraxit, vt qui decem aureos sub Heliogabalo præstiterant, tertiam partem aurei

præstarent, hoc est tricesimam partem. Tuncque primum semisses aureorum formati sunt; tunc etiam, quum ad tertiam partem aurei vectigal decidisset; tremesses, dicente Alexandro, etiam quattorios futuros, quod minus non posset. Hactenus Lampridius. Constat itaq. aureum integrum, cuius partes erant, semissis, & tremissis seu triens, ratione partium minorum Solidum esse dictum. Rectè Isidorus libri 16 capite 24 Solidus apud Latinos alio nomine sextula dicitur, quòd de iis sex vncia compleatur. Hunc, vt diximus, vulgus aureum solidum vocat: cuius tertiam partem ideò dixerunt tremissem. Sex inquam aurei postmodum in vncia, & septuageni bini in libra. quorum mentio crebra in libris Iuris. vt Codicis libro 10, titulo 70, in rescripto Valentiniani & Valentis Imperatorum. Quotiescunque certa summa solidorum pro tituli qualitate debetur, aut auri massa transmittitur, in septuaginta duos solidos libra feratur accepta. datum vi. id. Ianuar. Romæ Lupicino & Iouino consulibus. qui fuit annus partæ salutis 370. Quamobrem iam tum, & multò ante aurei solidi 72 libram implebant. fueritque singulorum pondus granorum 106. nisi signantium avaritia aliquot grana rursus succidisset. Huius generis nummorum aliquot pondus hîc subiiciam.

|                     | grana |                   | grana |
|---------------------|-------|-------------------|-------|
| Gallieni            | 99    | Valentis          | 90    |
| Maximiniani         | 104   | Gratiani          | 90    |
| Constantii patris   | 104   | Valent. Iunioris  | 90    |
| Magnentii           | 92    | Theod.            | 90    |
| Constantii Iunioris | 92    | Arcadii & Honorii | 90    |
| Valentiniani        | 90    | Iustiniani        | 90    |
|                     |       | Vix               |       |

Vix duo ex omni numero ad præscriptum pondus factos vides. omnes quotquot ynquam videri mihi datum est eodem collineant. Ecce tibi duos tresve cum inscriptione sua

| parte vnâ                      | parte alterâ   | grana |
|--------------------------------|--|-------|
| D. N. Valentinianus<br>P. aug. | Reipublicæ datu's re-<br>stitutor <i>dextrâ scipionē si-<br/>nistrà victoriolam gestans.</i> | 91    |
| D. N. Honorius P. P.<br>aug.   | Victoria augg.<br>ND.  | 93    |
| D. N. Anastasius P. P.<br>aug. | CONOB<br>Victoria augg. <i>infra 91</i><br><i>pedes CON OB</i>                               |       |

Ceterum posteriores nummi auri bonitate prioris seculi nūmis non nihil cedunt: vetustissimi enim auro purissimo constant. Certè Augustus ille nullo nummo ne Edoardo quidem (nummus is aureus est ab Edoardo Angliæ rege olim signatus) qui reliquis hodie purior censetur, bonitate erat secundus, ut ferè aurum obryzum diceret. Quod ut planius intelligatur, ratio indicaturæ auri paulò altius erit mihi et petenda. Omni auro inest argentum vario pondere, alibi dena, alibi nona, alibi octava parte. In vno tantum Galliæ metallo, quod vocant Albicratense, est sexta tricesima portio: idè cæteris præest, inquit Plinius de auro nondum aurificum caminis perpurcato: nam quo sæpiùs arsit, proficit ad bonitatem. Itaque aurifices nostri quatuor & viginti bonitatis, seu puritatis auri gradus constituunt, quas carattas vel ceratia ipsi vocitant: quorum quartus & vicesimus sit summus bonitatis gradus, quod & obryzum dicunt, nullum tamen aurum ad hunc puritatis gradum pertingere. id si de monetario so-



lùm intelligas, verum fuerit: inuenta enim est ars aurum purum putum præstandi, aquæ chemicis operibus medicatæ beneficio. hanc aquam regiã, alii fortem vocant, quòd omnia metalla, argentũ, æs, ferrũ, solo auro excepto, in liquorem resoluat. scorias verò auri omnes solus ignis nunquam expurgabit: Itaque aurum etiam excoctissimum aiunt expurgari duntaxat ad  $23\frac{3}{4}$  ceratium, siue puritatis gradum, hoc est, vt aliis verbis idem planiùs dicam, in auri massâ quâcunque vt minimum nonagesimam sextam partem esse alieni metalli: In argento autem (vt hoc quoque addam) quadragessimam octauam. Itaque cùm dicunt aurum esse 18 carattorum, quartam alieni metalli partem admixtam esse significant. atq. ita in cæteris. Exempla aliquot, prout nummi aurei Belgii *αυτονομος* Ordinum constitutione superiore anno salutis 1611 taxati sunt, proponam.

|                                | caratti           | grana                 |
|--------------------------------|-------------------|-----------------------|
| Aurum rosati nobilis Edoardici | $23\frac{3}{4}$   | nummus ipse p̄det 160 |
| Ducati Hollandici, & Hungarici | $23\frac{3}{5}$   | 73                    |
| Coronati Gallici               | $22\frac{1}{2}$   | 71                    |
| Pistolletti Hispanici          | $21\frac{17}{19}$ | 71                    |
| Aurei Rhenani                  | $18\frac{3}{4}$   | 68                    |

Quamobrem vt iam Edoardæi auri indicaturam cum alterius nummi auro instituas, sumendi tantum erunt tibi singulorum caratti, iidemque inter se comparandi. vt si Edoardæum aurum, ad aurum coronati Gallici ratio quærat, bonitas illius est

$23\frac{3}{4}$  ca-

$23\frac{3}{4}$  carattorū, huius autem  $22\frac{1}{2}$ , aio igitur illius  
 auri massam aliquam ad huius auri massam paris  
 ponderis, eam habere rationem quam  $23\frac{3}{4}$  ad  $22\frac{1}{2}$ ,  
 hoc est in minimis terminis, quemadmodum 19  
 ad 18, ita se habere aurum Edoardæum ad Galli-  
 cum. Sed ponderis ratio hîc planè est inuersa:  
 Nam quia ratio melioris auri ad vilius est, quæ 19  
 ad 18, contrà ratio ponderis erit vt 18 ad 19. vt si  
 Edoardæum sit vnciarum 18, Gallicum, vt illi pre-  
 tio par sit sumendum erit vnciarum 19. ista enim  
 reciprocatio hîc locum habet. Vnde facilè per  
 proportionè concludere licebit. vncia auri Edoar-  
 dæi, siue Romani quot Gallici auri granis æquipa-  
 randa sit. hoc modo, vt 18 ad 19; ita vncia, hoc est  
 640 grana ad quem? concludes  $675\frac{5}{9}$ . id est 676  
 grana ferè. Et cùm aureus Gallicus habeat pon-  
 dus 71 granorum, aurei  $9\frac{17}{37}$ . id est vt proximè  
 $9\frac{1}{2}$  aurei Gallici æquabūtur vnciæ auri Edoardici,  
 qui sunt rosati nobiles quatuor, & singuli Edoardæi  
 æquantur  $2\frac{3}{8}$  Gallicis. Quare aureus Romanus pō-  
 dere 170 granorū accuratiore æstimatione par erit  
 aureis Gallicis  $2\frac{1}{2}$  Et propterea 10 denarii vnicoro-  
 nato æquales erunt. Eodem modo in aliis quoq. ex-  
 perieris. Vt si libeat scire quot Rhenani vnciæ auri  
 Edoardici vel Romani valeant. aurum Edoardæū  
 est  $23\frac{3}{4}$  carattorum, Rhenanum  $18\frac{3}{4}$  carattorum,  
 itaq. illius ad hoc eodem pondere ratio erit vt  $23\frac{3}{4}$   
 ad  $18\frac{3}{4}$  siue in minimis terminis, vt 19 ad 15. At  
 contrà pondus Edoardæi 15 granorum (dicis gra-  
 tia) æquabitur pretio auri Rhenani pondere gra-  
 norum 19. vnde proportio. vt 15 ad 19, ita 640 gra-  
 na ad 810 grana auri Rhenani: cumque aureus  
 Rhenanus pondus habeat 68 granorum, constat

$11\frac{3}{4}$  aureos Rhenanos, vnciæ auri Edoardæi seu  
 Romani pretio æquari, & singulos Edoardæos pre-  
 tio æquari.  $2\frac{1}{3}\frac{3}{6}$  Rhenanis. atq. ita de cæteris; &  
 denarii  $8\frac{5}{8}$  hoc est vt proximè  $8\frac{2}{5}$  vno Rhenano  
 continebuntur. Auri verò ad argentum valorem  
 etiam aliquando auctū imminutūmve, pro vtrius-  
 que metalli abundantia & penuria, quotidiana nos  
 experientia docet. Itaque Menādros poëtæ auri va-  
 lor fuit tantū decuplus argenti, Herodoto *πνικαι-  
 λικας* tredecuplus; Romanis cū primū ar-  
 gentum signatum fuit septendecuplus; Plinio lib.  
 19. c. 1. duodecuplus; Straboni rursū decuplus,  
 vt & Liuiο anno vrbis 565. vbi de Ætolorum pace  
 ita loquitur: Pro argento si aurum dare mallent,  
 darent conuenit, dum pro argenteis decem aureus  
 vnus valeret. At sub Honorio & Arcadio vt 72 ad 5.  
 Codicis lib. 10 titulo 75. Vt pro singulis argenti li-  
 bris, quinos solidos inferat. Ab hinc annis centum  
 vt 12 ad 1, nobis in Hollandia hoc ipso labente  
 anno 1612, vt 40 ad 3. atque ita aliàs, alià. Similis  
 quoque ratio in cæteris metallis obtinet, quorum  
 pretia pro penurià & copià intendi & remitti so-  
 lent. Honorio & Arcadio imp. tit. 29 codicis  
 lib. 10 solidus vnus viginti libris æris rependitur.  
 itaque ratio auri ad æs vt 1440 ad 1. argenti autem  
 ad æs vt 200 ad 1. Quæ nunc multò minor est.  
 æris enim pretiū superioribus annis multum excre-  
 uit. Interim illud notandum, in hac comparatione  
 puritatis gradus obseruandos, vt aurum purissimū  
 cum optimo defecatissimoque argento contendas:  
 aliàs enim hæc ratio te multum fallet. Et hæc-  
 nus quidem monetæ Romanæ cum æstimatione, tum  
 pondus re ipsa, & scribentium autoritate demon-  
 strata



strata sunt. Externum numisma deinceps succedat: Et primò quidem Græcorum: quibus vsitata fuisse,

*Talentum, & mina pro aliquâ pecunie summâ, nonnunquam & pro pondere: stater, obolus, chalcus etiam pro numismate.*

*Talentum, τάλαντον*, vox Græcis variâ notione vsurpata: propriè pro librâ zygostaticâ & bilance. Inde per tropum à continente ad rem contentam transit, & ponderis appensi significationem induit: peculiariter verò definitè aliquot librarum pondo; in quâ significatione, tanquam propriâ, tandem hæsit. Hoc modo Plinius libri 33 capite 3 Varronis auctoritatem appellat: Talentum autem, inquit, Ægyptium pondo octoginta patere Varro tradit. Ita & Liuius libro 38 de fœdere Antiochi: Argenti probi Attica talenta duodecim millia dato intra duodecim annos, pensionibus æquis. talentum ne minus pondo octoginta Romanis ponderibus pendat. Vitruuius etiam aliud 120 librarum constituit libri 10 capite 21, Agetoris Byzantii testudinem describens. Gubernabant eam homines centum, habentem pondus talentum quatuor millium, quod sit 480000 pondo. quare diuisis 480000 per 4000 talenta, singulis cedit pondus 120 librarum. Hero Antiochicum quoddam talentum ξουλικόν appellatum scribit continere minas Atticas 360, libras autem (Romanas intellige) 375. Talentum quo Moses argenti, æris, auriq; pondera in tabernaculi fabricâ expendit, fuit minarum Atticarum 120. quem calculum accuratè satis expressit Exodi capite 38, comimate 25 & 26. Verba ipsa libet adscribere: Item argentum numeratorum è cœtu

centum talenta, cum mille septingentis septuaginta quinque siclis, prout est siclus sacer. semissis in singula capita, dimidium, inquam, sicli prout est siclus sacer, in quemque transeuntem ad numeros à nato viginti annos & deinceps, in sexcentos ter mille quingentos quinquaginta. Hic itaque si de 603550 deducas duplū 1775, hoc est 3550 dimidios siclos, reliqui 600000 dimidii sicli facient talenta centum, & 6000 dimidii sicli singula: atqui siclum tetradrachmo Attico æquari Iosephus lib. 3 Antiquitatum Iudaicarum capite 9 docet: quare dimidius siclus drachmis duabus, & 6000 dimidii sicli drachmis 12000: itaque 120 minæ Atticæ vni talento Mosæico æquabuntur: quia 100 drachmæ, minam faciunt, vt infra dicitur. eodemque pondere paulò post æs appendit. Ita Diodorus Siculus libro 9 libras Romanas 125, talentum vocat. Idemque Epiphanius tradidit. Verùm ista nobis commodiùs dicentur in mina, ne hîc cogamur multa anteuertere. Cæterùm ab hac ponderis significatione Talenti appellatio ad numisma transit: nam cum è certis argenti libris certa pecuniæ summa signaretur, aliquot huiusmodi librarum congeriem Talentum dixerunt, etiam si in auro numeraretur, propter tot librarum argenti ἰσδωαμίαν.

*Talentum omne, siue pro pondere quolibet, siue pro pecunia summâ tantum ponatur, habet sui generis minas 60, stateras 1500, drachmas 6000, obolos 48000.*

Id signatè Hero: Πᾶν τάλαντον ἰδίᾳ ἔχει μῶς ἑξήκοντα ἢ δὲ μῶν σατῆρας κέ ὁ δὲ σατὴρ δεσχαμῆς δ' ἢ δὲ δεσχαμὴ ὀβολὸς 5': Omne talentum habet proprias minas

60:mi-

60: mina stateras 25: stater drachmas 4: drachma obolos 6. Idem è Pollucis capite 6 libri 9 colligere est. Et Suidas quoq. locum Diodori (cui ob pertinax studium, & indefessum laborem cognomentum inditum χαλκέντωρ) è libro de ponderibus eodem sensu citat. Quamobrem, inquam, mina sui talenti est pars sexagesima. Sed quemadmodum talentorum quantitas diuersa, ita & minarum valor multum dispar: eandemq. inter se analogiam sequuntur stateres, drachmæ, oboli, pro ratione talentorum; quorum valorem vndique conquirere operæ pretium existimaui. Locus super hâc re apud Pollucem illustris extat. Talentum, inquit, Atticū valebat sex mille drachmas Atticas: Babylonium septem mille: Æginæum decem mille: Syrum autem mille quingentas, ad Atticæ drachmæ calculum: quemadmodum & Atticum talentum minas Atticas valet 60: Babylonium 70: Æginæum 100. Herodotus in Thaliâ Babylonium talentum septuaginta Euboïcis minis ait æquari: vnde efficitur Euboïcum talentum cum Attico paria facere. Neque me mouet Ælianus libri 1 capite 22 vbi ait: Δύαυ δὲ τὸ τάλαντον τὸ βαβυλώνιον δύο καὶ ἐξομύκοντα μνᾶς Ἀττικᾶς. Valet autem talentum Babylonium septuaginta duas minas Atticas. Mihi locus ille suspectus planè, & illa δύο aliunde iterata ex superiore versu, vbi φείλας δύο scriptum, omnino persuasum habeo, & attento lectori ita visum iri nullus dubito, alioquin malim multò Herodoti disertis verbis fidem adhibere, qui has regiones ipsemet obiuit ac lustraui, quàm alieni operis descriptori Æliano. Et si quo minus Herodoti verba cum suo epilogismo congruant, ego non



tam discrepantiam rei, quàm humanum errorem in causâ ponam. Porro autem è reliquis Atticum talentum, 80 minarum, Ptolemaicum, & Antiochicum, si ad rerû pondera referantur, paria fuisse, Hero mihi autor est; atqui verò cùm ad pecuniæ summam, multum differunt. Est enim Ptolemaïci quadruplum, Antiochici autem sesquiquartum, Tyrio æquale. verba hæc sunt: τὸ δ' Ἀττικὸν τάλαντον ἴσος ἵπον ἢ τῷ Πτολεμαϊκῷ ἢ Ἀντιοχικῷ, καὶ ἰσάειθρον ἐν πᾶσι δυνάμει δὲ τῷ Πτολεμαϊκῷ κατὰ τὸ νομισμα τετραπλάσιον, ἐπίστιπν δὲ τῷ Ἀντιοχικῷ, τῷ δὲ Τυρίῳ ἴσον. Intelligi autem hoc loco talentum Atticum 80 minarum seu maius, paulò post ipse indicat, cùm inquit: τὴν Αἰγινεῖαν ἢ τὴν Ῥοδίαν μνᾶν τῆς Πτολεμαϊκῆς ἢ πενταπλάσιον, ἑξαπλάσιον δὲ τὴν Ἰωνικὴν ὅτε περιγραφομένην: Æginaeam, & Rhodiam minam Ptolemaïcæ quintuplam, insulanam verò, quæ ita vocitatur, esse eius sextuplam. atqui Æginaum talentum habebat Atticas minas 100: quare Ptolemaicum habuit 20; & Atticum, cuius supra mentionem fecit, 80: Vnde hoc amplius discis, Rhodium Talentum Æginaeo æquari: τὸ Ἰωνικὸν δὲ 120 minis Attici rependi. Apud Athenienses autem talentum duplex, maius & minus, in vfu fuisse, Comicorum testimoniis manifestum est. Plautus Mostellaria: Si hercle nunc ferat sex talenta magna argenti pro istis præsentaria, Nunquam accipiam. Et rursus alibi: Aliàs pro illâ me poscit triginta minas, aliàs talentum magnum. Huius tamen differens æstimatio non perinde omnibus in promptu est: aliis aliâ taxatione eam definientibus. Minus talentum 60 minarum fuisse, nulli est dubium: maius verò alii centum, alii octoginta Atticis minoris

noris talenti minis circumscribunt. Ego sanè posteriori non inuitus subscribā: & causam huius sententiæ hanc habeo, quòd Liuius Decadis quartæ libro octauo in fœdere Antiochi ita loquatur: Attica talenta duodecim millia dato intra duodecim annos, pensionibus æquis. talentum ne minus pondò octoginta Romanis ponderibus pendat. Quare Atticum talentum minarum fuit octoginta: minā enim & libram Romanam vt proximè æquales, infrā probabitur. Atqui talentum Atticum 60 minarum quoque fuisse, veteres, & noui omnes pariter inculcant. Ideoque illud 80 minarum, respectu huius maius dictum, nemini dubium esse potest, & huic Ptolemaicum ab Herone æquiparatur. Atque ita demum verum est quod Plinius inquit: Talentum Ægyptium pondò octoginta paterè, Varro tradit. Quamobrem talenti magni æstimatio ita nobis firmissimis argumentis definita esto. Est verò & aliud generis talentum, quod non nudè talentum, sed cum adiectione talentum auri vocatur. Id enim Pollux libri quarti capite vicesimo quarto monuit: Aureus autem stater pendet duas drachmas Atticas; talentum autem, tres aureos. At Eustatius in Odyssææ librum Θ: φασὶ δὲ οἱ παλαιοὶ, ὅτι διχῶς τὸ τάλαντον. ζυγός τε γὰρ, ὃν σατῆρα καλεῖμεν, καὶ σαθρός χρυσὸς σύμμετρος. Pollux magis distinctè libri 9 capite 6. Valebat autem auri talentum tres aureos Atticos: argenti verò sexaginta minas Atticas. Verba ipsa accuratè nobis notanda sunt: nam hîc auri talentum & talentum argenti valore longissimè inter se disparantur. atque ita Homeri locus ille Iliados Ψ de præmiis certaminum in Patrocli funeratione nobis intelligendus:

vbi

vbi poëta secundo loco statuit equam sexennem  
 mulo scætam, tertio lebetem, quarto denique δύο  
 χρυσίον τέλαντα. Ergo duo auri talenta essent Pol-  
 luci tres aurei Attici: Eustatio tantum quatuor, cui  
 Heron mens adstipulatur, inquit enim: τὸ ἕ παρ' Οἰμή-  
 ρου τέλαντον ἴσον ἐδωάτο τῷ μὲν ταῦτα Δαρεικῶν: Talen-  
 tum Homericum tantidem est, quanti aureus  
 Daricus, qui post eius ætatem demum signatus est.  
 sed Daricum Iosephus libro 3 Antiquitatum capi-  
 te 9 auri siclo, hoc est, duobus Atticis aureis taxauit.  
 quamobrem auri Talentum Eustatio & Heroni  
 aureis Atticis duobus, Polluci autem tribus repen-  
 ditur. Verum argenti talentum ab eo diuersum  
 fuisse, ne Latinis quidem Comicis fuit ignotum.  
 Plautus Truculento: Hem tibi talentum argenti;  
 Philippicum est, tene tibi. Hic talentum quidem  
 numerat in aureis Philippeis, non tamen auri ta-  
 lentum, sed talentum argenti, talentum minus,  
 quæ erant sexaginta Atticæ minæ. Quamobrem  
 ista omnis est talentorum diuersitas: quorum qui-  
 dem valorem certò & constanter definitum affir-  
 mare possimus. Vt autem res ipsa per se clarior  
 sit, breuiculâ synopsi omnem summam, in tabellâ  
 proponam.

## Talentum pro pondere tantum

|                              |                                |                  |
|------------------------------|--------------------------------|------------------|
| <i>Egyptium</i>              | } <i>est minarum Atticarum</i> | 80               |
| <i>Antiochicum</i>           |                                | 80               |
| <i>Cleopatra Ptolemaicum</i> |                                | 86 $\frac{2}{3}$ |
| <i>Alexandria</i> ξουλίδον   |                                | 96               |
| <i>Mosaicum</i>              |                                | 120              |
| <i>Insulanum</i>             |                                | 120              |
| <i>Antiochia</i> ξουλίδον    | }                              | 360              |
|                              |                                | Ta-              |



## Talentum pro pecuniæ summa.

|                      |                                |                                   |
|----------------------|--------------------------------|-----------------------------------|
| <i>Talentum auri</i> | } <i>est minarum Atticarum</i> | $\frac{1}{2}$ vel $\frac{2}{3}$ . |
| <i>Syrum</i>         |                                | 15                                |
| <i>Prolemaicum</i>   |                                | 20                                |
| <i>Antiochicum</i>   |                                | 60                                |
| <i>Eubæum</i>        |                                | 60                                |
| <i>Atticum minus</i> |                                | 60                                |
| <i>Babylonium</i>    |                                | 70                                |
| <i>Atticum maius</i> |                                | 80                                |
| <i>Tyrium</i>        |                                | 80                                |
| <i>Æginaum</i>       |                                | 100                               |
| <i>Rhodium</i>       |                                | 100                               |

Hæc de talentorum inter se comparatione, & ad partes suas ratione dixisse sufficiat. sequitur mina eius partium maxima.

*Mina* habet stateras sui generis quinque & viginti, drachmas centum, obolos sexcentos.

*Mina*, Græcis Μνᾶ: eius originationem quidā ex Hebræo מנא numerare, deduxerunt. vox ipsa Ezechielii capite 45 cōmate 12 vsurpata. Minam quidā initio non vbique gentium centenariā fuisse, haud dubiis autoribus probare possumus. Athenis ante Solonis σισαχθίαν mina fuit drachmarum trium & septuaginta, quemadmodum Plutarchus in eius vita tradidit: Ἐκατέρωθεν ποιεῖται δὲ ἀρχμῶν τριμνᾶν, πρότερον ἑξοδμήκοντα καὶ τριῶν ἑσάν· ὥστ' αἰεθμῶ μὲν ἴσων, δυνάμει δ' ἑλαττοῖν ὑποδιδόντων, ἀφελείδης τὰς ἐκτίνοντας μεγάλα, μηδ' ἐν τῷ βλάπτειν τοὺς κομισομένους. Minam enim constituit drachmarum centum, quæ prius erat tantum trium & septuaginta. Ut cum totidem numero drachmas darent, valore & pondere illis mino-

minores, debitores quidem emolumentum haud leue perciperent, sed absque creditorum damno. Signabantur enim 27 amplius è singulis argenti libris, quas tamen creditores cogeantur pro graui drachma ex lege Solonis accipere. Centenaria autem vbique gentium exinde recepta est. Ita Attica, Ægina, Babilonia, Antiochena, Ægyptia sui generis centenariæ sunt. Pollux loco citato. Et Hero, Πάν τάλαντον ἰδίας ἔχει μνᾶς ξ', ἥδε μνᾶ σατῆρας κέ, ὅδ' ἐστὶν δρεχμῆς δ'. Omne talentum habet suas minas sexaginta, mina stateras quinque & viginti, stater drachmas quatuor. Denique Plinius libri 21 capite 34. Mna, quam nostri Minam vocant, pendet drachmas Atticas centum, alique præterea complures. Idem quoque variorum scriptorum comparatione inter se colliges. Exemplum vnicum è Plutarcho Liuioque huc aduocabo. Liuius libro 22, de bello Punico, In permutandis captiuis conuenerat inter duces Romanum Pœnumque, vt quæ pars plus reciperet, quàm daret, argenti pondus bina & selibras in militem præstaret; de eodem Plutarchus in Fabio dixit, vt pro quolibet drachmas ducentas quinquaginta solueret. Quare drachmas centum pro librâ argenti posuit Plutarchus: idque potius ex consuetudine loquendi vsu vulgò receptâ, quàm quòd ita se penitus haberet, si ponderum momina pensiculatiùs examinaret. Omnino enim verum non est, libram Romanam centum Atticis drachmis æquatam. Sed cùm Romani denarii pondus initio quidem ita esset legibus definitum, vt septem ex vnciâ signarentur, quemadmodum Scribonio Largo, Plinio, Celsoque autoribus euicimus; rarissimos tamen inuenias,

(etiam

(etiam longè ante quàm Respublica in vnus potestatem concessisset) ita signatos, qui vel 80 granorum pondus trahant, quod supra denarius aliquot in rem præsentem abductis demonstratum fuit. Hoc tamen pondere plerosque fuissè vix dubitamus, vt octo denarii tales vnciam impleant: drachmam autem Atticam octauam vnciæ partem fuissè notius est, quàm vt probatione indigeat; vel medicis autoribus, qui id disertè satis testantur, octo drachmas Atticas vnciam facere: Ferè enim Attica obseruatione medici vtuntur, inquit Plinius. Ideoque apud Galenum legas non semel: *Η' ὀγία ἔχει δραχμὰς η'.* Vnde Isidorus, drachma octaua pars vnciæ est. Sed vnciæ duodecim libram faciunt: ideoque sex & nonaginta drachmas libræ Romanæ æquari clarum est. Mina autem Attica drachmas habet centum: quare dimidia vncia in mina Attica necessariò redundabit. Quamobrem in elegantissimo illo Cleopatraræ fragmento verissimè legitur: *Η' Α' τρικὴ μινᾶ ἔχει ὀγίας ββ', δραχμὰς ς'.* & paulo post: *Η' λίτρα ἔχει ὀγίας ββ', δραχμὰς σς'.* Attica mina habet vncias  $12\frac{1}{2}$ , drachmas 100. libra habet vncias 12, drachmas 96. Vt ratio Attica mina ad libram Romanam sit quemadmodum 25 ad 24, vt minæ 24 libris 25 æquales sint. Et tamen vulgò ita creditum est, minam Atticam Romanæ libræ æquari: quod vt minus videatur effecerunt ii, quorum diligentia sæpè circa minutissima ponderum momina occupari solet. Sic enim planè legas apud Galenum de ponderibus & mensuris, è fragmento nescio quo: *ἡ μινᾶ ἡ Α' τρικὴ ἔχει ὀγίας ββ'.* Mina Attica habet vncias 12, quod profectò esse verū numquam probabunt.



bunt. Ab eodem fonte illud quoque fluxit, quod in eodem libello legatur de Attica mina maioris talenti: *Ἡ μὲν ἢ Ἀττικὴ καὶ ἢ Αἰγυπτία ἔχει οὐγγίας 15'* nam non 16, sed  $16\frac{2}{3}$  ex accuratiore calculo elicies. Veruntamen cum scriptores Latini pariter & Græci drachmā & denario promiscuè utantur, & alterum pro altero reponant, idque disertis verbis libri 21 capite ultimo Plinius expresserit (drachma Attica, inquit, denarii argentei habet pondus) cumque nummi ipsi inter se pariarent, non fuerit tantoperè admirandum, vulgò creditum libram & minam quoque inter se paria facere. contra autem rem aliter se habere nominatim etiam monet Herodotus: *Ἡ μὲν Ἀττικὴ μὲν σατράων ὅστις κέ, ἢ δὲ Ἰταλικὴ λίτρα τας σατράων κδ'*. Mina Attica habet stateras 25, libra autem Italica stateras 24. Atque hinc demum explicatu facile est, quid sibi velit Epiphanius eumque secuti Suidas & Hesychius: *Τὸ τάλαντον κατὰ τὴν ῥῆξιν λίτρων ὡσείχει*: Talentum secundum aliquos est librarum 125. Ita inquam, librarum Romanarum 125, vel minarum Atticarum 120: quod facile ex proportionem supra positā concludes. Quomodo intelligendus ille apud Diodorum Siculum libro nono, de Menenio, locus: Non tamen, inquit, capitalis multa fuit, sed pecuniaria: &, si ad nostri seculi vitam & fortunas conferatur, ridicula; sed illius temporis hominibus, suis manibus necessarium duntaxat victum quærentibus, præsertim huic cui paupertas pro patrimonio relicta fuerat, gravis; duo assium millia. Erat autem as æreum numisma, librali pondere: ita ut tota multa sedecim talenta æris conficeret. Græca verba ita habent: *Διχαλίον ἀριθμὸς ἀσασείων. ἢ δὲ ἀσάριον*

χάλκον νόμισμα βάρδιον. ὥςτι τὸ σὺμπαρ ὄφλη-  
μα, ταλάντων ἑκατάδεκα εἰς ὅλην χάλκον μινάδ. Hoc  
Luijus libro secundo: Duo millia æris damna-  
to indixerunt. Age igitur, si 2000 æris per 16 ta-  
lenta diuidamus, reperiemus singulis cedere li-  
bras Romanas 125: vnde, non aliter ac supra, ex-  
pedite concludes talentum 120 minarum Attica-  
rum, tot enim minæ Romanis 125 libris æquan-  
tur. Itaque non omnino præter scopum Priscia-  
num hîc labi in procliui fuerit ostendere, modò  
benignè interpreteris, cùm inquit, Talentum  
Atheniense paruum minæ sexaginta: Magnum  
minæ octoginta tres, & vnciæ quatuor. Vbi ita  
scribendum fuisset, Magnum minæ octoginta, id  
est, libræ Romanæ octoginta tres & vnciæ qua-  
tuor. Id enim proportio ipsa coarguit. Vt 24,  
ad 25, ita 80 ad  $83\frac{1}{3}$ . Sed talentorum inæqualita-  
tem minarum analogia quoque sequitur. Atque  
ided, si ad Atticam minam aliarum valorem re-  
uoces, tum 25,  $116\frac{2}{3}$ ,  $133\frac{1}{3}$ ,  $166\frac{2}{3}$  Atticæ drachmæ  
implebunt minam Syriam, Babyloniam, Ægyptiam,  
Æginæam. Minarum porrò apud medicos vsus  
varius. Dioscoridi mina Alexandrina est vncia-  
rum 20, seu drachmarum 160, quam Hero me-  
chanicus non absolutè Alexandrinam, sed cum  
adiëctione ξυλικήν vocat. Singulæ autem minæ  
quor Atticis drachmis pondere æquiparentur,  
hic ordine subiiciam.

d

Mina

## Mina pro pondere tantam.

|                                |                        |                    |
|--------------------------------|------------------------|--------------------|
| <i>Ægyptiaca</i>               | } <i>habet Atticas</i> | } $133\frac{1}{3}$ |
| <i>Antiochica</i>              |                        |                    |
| <i>Cleopatra Ptolemaica</i>    |                        |                    |
| <i>Alexandrina Dioscoridis</i> |                        |                    |
| <i>vel Heronis Alexan-</i>     |                        |                    |
| <i>drina Ευλινδ</i>            | } <i>drachmas</i>      | } $144$            |
|                                |                        |                    |
|                                |                        |                    |
|                                |                        |                    |
|                                |                        |                    |

## Mina pro pecuniæ summa.

|                     |                         |        |
|---------------------|-------------------------|--------|
| <i>Syra</i>         | } <i>est drachmarum</i> | } $25$ |
| <i>Ptolemaica</i>   |                         |        |
| <i>Antiochica</i>   |                         |        |
| <i>Eubœa</i>        |                         |        |
| <i>Attica minor</i> |                         |        |
| <i>Babylonia</i>    |                         |        |
| <i>Attica maior</i> |                         |        |
| <i>Tyria</i>        |                         |        |
| <i>Æginaa</i>       |                         |        |
| <i>Rhodia</i>       |                         |        |

Sed ut à librâ Romanâ minarum in vncias partitio traducta est : ita libræ in drachmas diuisio ab iisdem in medicum vsum est introducta: vñ vnciam quidem à Latinis, reliquas minores partes ab Atticâ consuetudine mutarentur. Huius igitur partes, & partium particulæ quemadmodum notentur, & quid valeant, hñc annotare oportunitur videtur. Libra, ut integrum omne, habet vncias duodecim, semuncias quatuor & viginti: deinde drachmas sex & nonaginta: scrupula, vel scrupulos, quæ *χαίματα* Græci vocant 288: obolos 576. Ut drachma pars vnciæ sit octaua; scrupulum drach-

drachmæ tertia: obolus scrupuli pars dimidia,  
& drachmæ sexta. quorum characteres & pondera,  
quemadmodum à medicis hodie vsurpantur, in  
minimis granorum nominibus huiusmodi sunt.

| Characteres |                                | pondera  |
|-------------|--------------------------------|----------|
| θς.         | Obolus                         | gr. x.   |
| θ ι.        | Scrupulus                      | gr. xx.  |
| ζ ι.        | Drachma                        | gr. lx.  |
| ζς.         | Semuncia                       | ζ. iiii. |
| ζ ι.        | Uncia                          | ζ. viii. |
| ζ ις.       | Sescuncia                      | ζ. xii.  |
|             | <i>Quartarius vel quadrans</i> | ζ. iiii. |
| ιβς.        | Selibra                        | ζ. vi.   |
| ιβ ι.       | Libra                          | ζ. xii.  |
| ιβ ις.      | Sesquilibra                    | ζ. xvi.  |

Formulæ characterum, & ponderum ratio apud  
medicos vsu recepta talis est: quæ tamen à legitimi-  
mo pondere multum degenerauit; siquidem ista ad  
Attici ponderis rationem exigenda sint. Et minus  
vero dixit Fernelius Methodi lib. 4 c. 6. numma-  
rium pondus (quod tanquam legitimū ipse quoq;  
vsurpauit) superare medicum vulgare quinta par-  
te, vnde drachmam constituit granorum moneta-  
liam 72, cū eam 80 granis ἀντιστοιχῶν ex vnciæ  
granis 640 per 8 diuisis promptum sit colligere.  
Verū enim uerò neque illud omninò nobis erit  
negligendum, in granorum momentis aliam esse  
rationem apud Hispanos in vsu, ex constitutione  
Ferdinandi & Elisabethæ Regum anni 1488: san-  
ciuerunt enim vt grana ex aurichalco vel ære fie-  
rent, atque libra integra in grana 6912 tribuere-  
tur,



tur, cuius pars duodecima 576 singulis vnciis cedat. De hac partitione verè dictum à Fernelio 72 granis libram impleri, quod ipsum notauisse non abs re fuisse crediderim. Quamobrem ista de Talento, minâ, librâ & partium ponderibus dicta sufficiant. Ad singulorum numismatum valorem deinceps me conferam.

*A drachmâ didrachmum, tridrachmum, tetradrachmum, qui & à pondere stater, pentadrachmum, nummi argentei in usu fuere.*

*Drachma* originationem Plutarchus in Lysandro explicauit: Videtur, inquit, olim omninò ita obtinuisse, vt ὀβολοῖς veruculis vterentur numismate ferreo, alibi etiâ aëreo, vnde & ὀβολοῖς vocitamus: δραχμὴν ὅ τινος ὅξ ὀβολοῖς καλεῖσθαι τοσούτοις ὅτι καὶ πέντε ὀβολοῖς ἴσταντο, drachmam autem ( hoc est, pugillum, quantum quis cauâ manu prehendere possit ) sex obolos dictos, quia tot manus caperet. Idem & Pollux, & Eustathius in Iliad. α docent.

*Attica drachma pro Romano denario vulgò promiscua significatione vsurpatur.*

Ita, inquam, omnes autores pecuniæ aliquam summam descripturi eâ notione alterum pro altero reputant. Quin & Galenus Pliniusque etiam pro eodem pondere vsurpant: cùm tamen, si ad accuratiorem veritatis trutinam ista examines, magno discrimine inter se distideant. Est enim denarius antiquus vnciæ pars septima, drachma verò octaua. Scriptores tamen veteres differentiam hanc nihil pensi habentes, vtroque promiscuè vtuntur. Linius libro 34 de captiuis Romanis ab Annibale venundatis, & in Græcia seruitutem feruientibus: Multitudinis ( ait ) eorum ar-  
gumentum

gumentum est, quòd Polybius scribit, centum talentis eam rem Achæis stetit, cum quingenos denarios pretium in capita, quod redderetur dominis, statuissent. Mille enim & ducentos eâ ratione Achæia habuit. Quare si 1200 per 500 denarios multiplices, efficitur summa 600000, hæc per 100 talenta diuisa dabunt singulis denarios 6000, quot Atticas drachimas talento Attico minore contineri suprâ docuimus. Fuit itaque denarius drachmalis. Nam Plinius libri 21 capite 34 disertis verbis id loquitur. Drachma Attica, inquit, denarii argentei habet pondus. Plutarchus quoque de exilio Camilli ait eum damnatum 15000 assibus, quæ sint drachmæ 1500: nam, inquit, as, siue æs pecunia, & decem asses denarius erant. Ita drachma & denarius ab omnibus nullo discrimine vsurpantur. Drachmæ diuersæ talentorum rationem sequuntur. Igitur drachma Æginæa ad Atticam habet rationem quam 100 ad 60; & decem oboli Attici drachmam Æginæam valebunt. Idem de reliquis iudicium esto. Æginæam verò drachmam, quia Atticæ præponderaret, ipsi *πυγμα* spissam inuidiâ ducti vocitabant, loci nomine suppresso.

*Didrachmum*, drachmarum duarum. Tale fuit numisma census, quod Iudæi in singula capita Romanis Imperatoribus pendere cgebantur. Mathæi 17 Προσῆλθεν αὐτῷ οἱ τὰ δίδραχμα λαμβάνοντες. Tributū idem à Vespasiano annuatim indictū Iosephus de captiuitate Iudaicâ libri 7 c. 26 ait: Stipendium verò vbicunque degerent Iudæis indixit: binasq. drachmas singulis annis deferre in Capitoliū iussit, ita vt ante hæc Hierosolymitano templo pendebant. Idem hoc numisma inde antiquitus à

Draconis ætate vſitatum *Bos* vocabatur, ὅτι βοῦν εἶχε ἐντετυπωμένον, quia bouem haberet inſculptum, inquit Pollux. Vnde & prouerbio locus, apud Theognidem Gnomis, βοῦς μοι ἐπὶ γλώσσης, bos in lingua, quo ſignificatur argento taciturnitatem redemptam. Habui tria didrachma, quæ cūm & integerrima & antiquiſſima eſſent, & planè, quantum quidem à peritiſſimis iudicari potuit, non adulterina aut ſimulata, formâ tamen erant inter ſe diuerſiſſimâ; nummus vnus craſſior, & minore orbe; alter non ita ſpiſſus, ſed circulo maiore diſſuſus: tertius ne circularis quidem, ſed è tribus circulorum ſegmentis compoſitus, tanquam ſi ſuper trianguli æquilateri latera tres ſemicirculos decircinaſſes; nihilominus omnes, quod mirere, eodem pondere 168 granorum, & ſignaturâ ſimillimâ, tanquam ad idem exemplar facti, obſervatâ magnitudinis ſingulorum ſymmetriâ. Parte vnâ Mercurii caput erat cum caduceo, in duobus etiam infra poſita litera A, parte aduerſâ Pegasus alatus. Quâ ſignaturâ apud Corinthios nummum exiſtiſſe Pollux his verbis nos docet: Καὶ πῶλ' ὃ τὸ νόμισμα τὸ κορινθιον, ὅτι πῆγασον εἶχε ἐντετυπωμένον: Et pullus numiſma eſt Corinthium ita dictum quia Pegasi effigiem habet impreſſam. Cūm itaque 160 grana didrachmi Attici pondus à nobis ſit conſtitutum, in his autem octo redundant, credibile eſt Corinthios alio minarum pondere uſos, quàm Athenienſes. Id quamuis non obſcuris indiſciis odoratus mihi videar, nolim tamen de re adeò incertâ quidquam temere pronuntiare, priuſquam nobis iſta planiùs liqueant.

*Tridrachmum*, drachinarum trium, qui ſunt denarii

denarii tres, festerii duodecim, Liuius libro 34 Signati argenti octoginta quatuor millia fuere Atticorum, tridrachmam vocant (ita enim legendum cenſeo) trium ferè denariorum in ſingulis argenti eſt pondus:

*Tetradrachmum* & tetradrachma, drachmarum quatuor, qui & à pondere ſtater dicitur. Ita Matthæi 17 humani generis redemptor pro ſe & Petro duo didrachma ſoluturus, mandat Petro vt hamum in aquam iaciat, & ſtaterem, quem in ore primi piſcis eſſet inuenturus, pro vtroque, publicano daret.

*Pentadrachmum*, drachmarum quinque. Cyrenenſium nummus fuit.

*Partes drachma ſunt obolus, diobolum, triobolum ſeu ὀβολὸς ἑξήκων, tetrobolum.*

*Partes Oboli chalcus, dichalcum, ſemiobolus, & λεπτόν.*

*Obolum* quaſi ὀβολόν dictum ex Plutarchi Lyſandro ſupra docui. at Ariſtoteles παρὰ τὸ ὀφείλιν, quaſi ὀφίαθ' deriuauit, ſi quid Polluci credimus. Euſtathius tamen in Iliad. & Plutarcho aſtipulatur, ὀβολὸν σιδήρεϊ τι ἔλασμα ἔλεγον, obolum ferream quandam laminam vocabant, vt veru quodammodo efformatum, adeò ponderoſum, vt ſex oboli manum implerent, qui numerus etiam inde drachma dictus. haſtenus Euſtathius. Obolum ex ære fuiſſe, Vitruuius libri 3 capite 1 autor eſt. Ex eo etiam, inquit, videntur ciuitates Græcorum feciſſe, vti quemadmodum cubitus eſt ſex palmarum, ita in drachmâ quoque eo numero vterentur: illæ enim æreos ſignatos, ex æquo ſex, quos obolos appellant, conſtituerunt. Obolus itaque



suæ drachmæ pars sexta, & ex ære fuit. Obolorum autem comparatio inter se drachmarum rationem sequitur: nam quâvis sex oboli Æginæi drachmam Æginæam, & sex Attici Atticam constituent: tamen 10 Attici oboli tantum vni drachmæ Æginææ æquiparantur. Atque ita de cæteris. Oboli nota χελών testudo (saltem in Peloponneso) & inde parœmia τὰν ἀρετῶν, ἢ τὰν σοφίαν νικᾷντι χελῶναι, Virtutem & Sapientiam testudines vincunt. Non est nobis hic Polybii locus ille silentio prætereundus, vbi ait semissem esse partem oboli quartam. vt necesse fuerit denarium eo tempore, duodecim assibus commutatum, & seltertium quaternis, & asses binos obolis singulis æquatos: Nisi fortè dicas obolum maiorem ab eo intelligi, ratione Talenti Attici maioris minarum 80: qui cõputus ad amissim cum denario decussis sexi congruit. nam sedecim bis sumpta tantundem valent atq. octies quaterna. quâ de re etiam atq. etiam deliberandum censeo. Ab obolo vsura instituta ἐφοικτὸς τόκος, tanquam sœnus sesquisextum dicas, quia fors cum lucro ad sortem erat, vt 7 ad 6; accrescebat enim sorti obolus vnus. contrâ Latinis vsura centesima, quia centesimo mense sortem æquaret. eadem quæ apud Græcos drachmalis, sunt enim 100 drachmæ in minâ.

*Diobolum* duos valens obolos, hinc Plauto anis diobolaris: Atticum numisma fuit, ἔχον γλαῦκαρ ἐν πτωμένῃ, noctuæ effigie signatum. & hinc proverbiū natum, Noctuas Athenas, tanquam si guttam mari adieceres: illa enim vrbs hoc nummo quàm maximè abundabat. Ex argento fuisse, Plutarchus in Lyfandro satis apertè indicare videtur:

tur: idque de triobolo & tetrobolo quoque verum crediderim.

*Triobolum*, quod & ἡμιδράχμιον, semidrachma, quia sex oboli drachmam facerent. Plautus Rudente: Non potest hinc abesse triobolum. & Pænulo: Homo trioboli. Habebat utrimque insculptam effigiem Iouis.

*Tetrobolum*, oboli quatuor, drachmæ bes. Alterâ parte Iouis effigie, alterâ duabus noctuis signatum.

*Chalcus* oboli pars octaua. Obolus chalcos habet octo, inquit Hero, Pollux, & Suidas. Atque idè octo & quadraginta chalci drachmam, & duodecim chalci sestertium Romanum constituent. Chalcum Plautus Pænulo, actus i scena 2 obolum æratum mihi dixisse videtur, ut verbum de verbo exprimeret. Vbi cum Anterastilis profedas seruiculas appellasset per conuitium, seruulorum sordidulorum scorta diobolaria: utpote quæ diobolo sui copiam facerent, indignabundus Milphio seruus, quæ eius fastum retunderet, contemptum ei reponit, Quoius ego obolo ærato septem noctes non emam. Ergo obolum æratum, non Atticum obolum, sextam drachmæ partem, (quæuis & hunc ex ære fuisse docuerim) sed chalcum, hoc est, octauam oboli partem, planissimè his verbis significari intelligo.

*Dichalcum*, duo chalci, quarta oboli pars, quæ & propterea τετραδράχμιον dicta.

*Semiobolum*, chalci quatuor, utpote oboli semissis.

Ἀεπιδρ, chalci pars septima, oboli sexta & quinquagesima, drachmæ 336. Suidas ex Diodoro,

Ο'βολός τ' παρ' Αθηναίοις ὅκτω ἐστὶ χαλκῶν ὁ δὲ χαλκὸς  
 λεπτῶν ἑπτὰ: Obolus Atticus habet chalcos octos:  
 chalcus λεπτὰ septem. idem iterat in voce μῶ.  
 Marcus Euangelista similis nummuli meminit, de  
 vidua loquens, quæ in gazophylacium proiciebat  
 λεπτὰ δύο. Notandum tamen hoc κέρμα illius At-  
 tici fuisse triplum; eo verò nihilominus vsum  
 Euangelistam, quod nullum vocabulum inueni-  
 ret aptius. Hoc enim λεπτὸν (si denarium statuas  
 decussilexim) fuit denarii  $\frac{1}{128}$ : illud autem Suidæ  
 Atticum erat, drachmæ pars 336.

Aureum numisma est stater.

*Stateres aurei in usu fuere varii, Atticus, Cyzi-  
 cenus, Philippicus, Alexandrinus, Daricus, Cræ-  
 sus.*

*Stater aureus Atticus* fuit pondere didrach-  
 mi, quod Pollux libri 4 capite 24 his verbis do-  
 cuit: Ο'δὲ χρυσὲς στήρ δύο εἶχε δραχμὰς Ἀττικὰς.  
 Atqui drachmam octoginta granorum pondere  
 fuisse, ex vncia planum fit, cuius ipsa pars sit octa-  
 ua. Et propterea drachmæ duæ granorum 160  
 aureo Attico stateri pondere æquabuntur: quo  
 hoc seculo, Anglici Rosati nobiles, & Edoardei  
 instituti sunt. Attici stateris valorem quinque  
 & viginti Atticis drachmis definitio ex Pollucis  
 libri 9 capite 6: Ο'δὲ χρυσὲς στήρ μῶν ἐδωάτο. ἢ  
 ὅ ἐν τοῖς ἱαμένοις τ' μῶν τῆς ῥοπῆς στήρ οὐνομάζουσι:  
*Aureus stater* minam valebat: nam & in appensis  
 minam pondo staterem vocant. Id enim dicit, mi-  
 næ pondus staterem etiam dici, quia aureus stater  
 argenti minā, vel centum drachmis rependatur.  
 Sed aureum hunc staterem iam non vnicum ali-  
 quem nummum intelligas oportet, verum qua-  
 tuor.

tuor. Nam ut quatuor argenteæ drachmæ stater dicuntur: ita hic quatuor aurei didrachmi prostare usurpantur: hoc est pondus auri drachmarum Atticarum octo, siue vnciale, taxatur drachmis argenti 100. Ideoque duarum drachmarum pondus, quo singuli Attici aurei signabantur, drachmis quinque & viginti. Nihil hic me hallucinatum, neque verba Pollucis perperam interpretatum, eundem tibi autorem dabo. Ibidem enim, ubi de Cyrenensibus verba facit, non aliâ mente dixit, Ἡν δὲ ἡ δραχμή ἐ νόμισμα μόνον, ἀλλὰ καὶ πεντακοντάδραχμον, καὶ πεντάδραχμον: Drachma verò non solum numismatis nomen erat, sed & quinquaginta drachmæ & quinque drachmæ apud Cyrenenses. Et paulò post, Ἡν μὲν, ὡς Αἰσώτης φάσιν, ἐν Κυρήνῃ, καὶ πεπασατήρ, καὶ τετρασαπηρία, ἡμισατήρων χρυσῶ νόμισματα: Erant equidem, ut Aristoteles ait, quadrastater seu tetrastater & tetrastateria, in Cyrene dimidiorum staterum aurea numismata. Planè hæc, nisi nostram interpretationem admittas, falsa erunt, & pugnancia loqueretur Pollux: quæ tamen, modò animum aduertas, verissima comperies. Hoc enim sibi vult, à Cyrenensibus aureum quendam nummum signatum, qui tetrastater dictus sit, ob eam causam, quod drachmis quatuor æquiponderet: videtur autem aureus unius drachmæ pondere apud eosdem aliquando in usu fuisse; & cum omnes aureos promiscuè stateres vocitarent, hos maiores ad distinctionem eleganter tetrastateras indiguisse: quippe qui illorum essent quadrupli, quem ex valore in eadem republicâ dixit suprâ vocari πεντακοντάδραχμον quinquagintadrachmalem. Caue credas vllum nummum argenteum  
tali



ali pondere signatum: certè ipsissimus hic ille aureus fuit. Atqui subiicit, ἡμισατήριον χρυσῆ τομίσματα, quomodo tetrastater stateris erit dimidium; nisi illud ad numisma, hoc verò ad pondus referas, & staterem hunc vncialem constituas. Nam cùm staterem aureum Atticis drachmis 100 rependi dixerit, & hoc in loco tetrastaterem drachmis quinquaginta à Cyrenensibus commutari: consequens est hunc tetrastaterem signatum pondere illius stateris dimidio, quem vncialem fuisse diximus. Quamobrem, inquam, aureus Atticus stater pondere didrachmi quinque & viginti drachmis argenti valuit. Fuitque ratio auri ad argentum, vt 25 ad 2: quam analogiam Romani quoque secuti videntur, cùm aureum vnum duorum denariorum pondere quinque & viginti argenteis denariis commutauerunt.

*Stater Cyzicenus.* Huius valorem Demosthenes in Phormionem nominatim expressit: φορμίων δὲ φησὶ ἀποδύνααι Λαμπίδι ἐν Βοσπόρῳ ἑκατὸν καὶ ἡκοσι σατήρας Κυζικηνὰς ὅς ὁ Κυζικηνὸς ἐδώκετο ἐκ τῆς ἑκοστῆς καὶ ὀκτὼ δραχμαὶς Ἀττικαῖς: Phormio ait se Lampadi in Bosphoro reddidisse centum viginti stateras Cyzicenos; at stater Cyzicenus illic duo de triginta drachmas Atticas valet. Eius quidem pondus nemo expressit: si tamen è valore huius coniecturam capere libeat, in promptu est colligere: cùm 25 drachmæ Atticæ rependantur aureo 160 granorum, tum 28 drachmas valere auri grana 179½. quo pondere Macedoniae regum aurei Philippi & Alexandri hodieque adhuc extant. Nummum hunc in Ponto, Bithynia & regionibus Euxino mari adiacentibus frequentatum Xenophon indicium

cium facit, quiq. in libris de expeditione Cyri eius non vno in loco mentionem fecit. lib. 6 vbi milites ab Heracleensibus Ponticis *μυέας Κυζικηνὸς* menstruum exercitus stipendium exigunt, decem millia Cyzicenorum faciunt 280000 drachmas Atticas. Et libro 7 Seuthes militi menstruum se daturum pollicetur Cyzicenum vnum, turmæ ductori duplum, præfectis exercitus quadruplum. hoc est, drachmas Atticas 28, 56, 112.

*Stater Philippicus*, quem numisma regale Horatius in Arte vocauit, auri bonitate nulli secundus, & à scriptoribus passim pro optimo purissimoque vsurpatus. Plautus Bacchidibus: Nam istis auro fortassis opus est: (respondet alter) Et Philippeo quidem. Fuit autem nummus iste Philippi effigie, qui pater Alexandri fuerat, expressus. Namque illi ex aurifodinis Crenidis (quæ Philippi postea ab eius nomine dicta) supra Strymonem erura mille annua talenta, Diodorus Siculus libro 16 auctor est. Philippi nummum vnicum, & Alexandri Macedonum, solertissimus veterum nummorum æstimator Nicolaus Rockoxius possidet, vtrumque eodem pondere granorum 179. Is haud dubio ab initio paulò grauior fuit, vt pote granorum 180 aut 183. Vnde planum arbitror nummum hunc non minoris fuisse Cyziceno: ideoque etiam 28 drachmis, aut non multò pluris commutatum.

*Stater Alexandrinus*, cum vt pondere Philippeo, ita valore Cyziceno parem, iam satis arbitror liquere.

*Stater Daricus*, quem auro itidem purissimo & obryzo percussum, præter Herodorum Pollux quoque libri 2 capite 3 testatus est: *Καὶ Δαρεικὸς ἀπὸ Δαρεικῆς*,

Δαρίει, ὡς ἔω' ἐκείνους ἀκευθέντες ἐς καθαρίαν τὴν χρυσίῃ:  
 Darici, à Dario, utpote qui summâ cum cura & di-  
 ligentiâ ab ipso sint facti: Videlicet à Dario primo  
 Hytaspis filio: eosque viginti Atticis drachmis  
 commutatos, quosdam tradidisse Suidas ait; aliis  
 contrâ eundem Attico stateri aureo æquiparanti-  
 bus. Daricum staterem auri siclo rependit Iose-  
 phus Antiquitatis Iudaicæ libri 3 capite 9. quod  
 enim Moses dixerat Numerorū capite 7 commate  
 86. Acerræ aureæ duodecim plenæ suffitu denūm  
 ( siclorum ) vnaquæque, prout est siclus sacer: hoc  
 ille per Daricos effert, ἐκαστος θύραρον κομίζει Δαρι-  
 κὸς δὲ ἑκα δωακέτην. Singuli (è duodecim tribubus  
 Israël) thuribulum afferunt decem Daricorum.  
 Siclus autē, vt eodem capite idem annotauit, pon-  
 dus habet Atticarum drachmarū quatuor. Quare  
 Daricus fuit semuncialis, si Iosepho credimus, &  
 drachmis Atticis quinquaginta taxandus, atque  
 valore ἡμισιαίος, vt stater Cyrenaicus πανταμοιό-  
 δος ἦν. Neque Hero meus abludit, qui talentum  
 auri Darico taxet, vt suprâ annotauimus. Nota  
 Darici, saltem alterâ parte, sagittarius: Plutarchus  
 Artaxerxe: τὸ δὲ Περσικὸν νόμισμα τοξότης ὀπίσθημον εἶχεν.  
 Vnde urbanum Agesilai dicterium, cum ex Asia in  
 Græciâ felicissimo rerū successu vsus reuocaretur,  
 Græcia bellis civilibus flagrans, & ob δωροδοκίαν  
 in viscera sua grassante, optimatibus diribitore  
 Hermocrate Rhodio à Persa auro circumuentis, vt  
 in Lacedæmonios mouerent, amicis, iam itineri in-  
 tentus, inquit, Asiâ se triginta millibus sagitta-  
 riorum expelli: tanti enim eâ res Artaxerxi con-  
 stiterat, vt Græcorum primates in bella civilia con-  
 citaret, quæ summa esset nobilium Anglicorum,

seu trofatorum Edoardicorum millia sexaginta: drachinarum Atticarum 3800000: florenorum Hollandicorum, prouthodie res nummaria obtinet, 1056000. Tribus item Daricorum millibus Parysatim matrem Artaxerxis cum ipso in punctum alcâ luisse, autor est Plutarchus.

*Stater Cræsus.* Et hunc quoque auro obryzo signatum disertis verbis libro 4 pronuntiat Pol-  
lux, *Ἰσδοκίμους ὃ ὁ Τυγάδας χρυσός, καὶ οἱ Κροισῆες σάτῆ-  
ρες*, aurum quoque Gygis probatissimum, nec non Cræsi stateres. Hos Daricis æquales ex Aristophanis Commentatore liquere videtur.

Numisma Hebræum ad extremum adhuc superest.

*Siclus, dimidius siclus, sicle pars tertia Hebræorum nummi sunt argentei.*

Sicle pondus Iosephus libro 3. cap. 9 Antiquitatum Iudaicarum autor est Attici tetradrachmi ponderi par fuisse. *ὃ ὃ σικλὸν νόμισμα Ἰσραήλ ὃν ἀπὸ τῆς  
καὶ δέχεται δὲ τετραχμῶν τέσσαρες*, Siclus numisma hebræum valet Atticas drachmas quatuor. Idem ex Philone Iudæo de iis quæ legis instar præcipiuntur, in decalogi præceptum tertium, quartum, quintum, de voti satisfactione: verba Mosis Leuitici 27 ita habent, Erit autem æstimatio tua maris, à nato viginti annis usque ad sexagenarium, erit inquam, æstimatio tua quinquaginta sicle argentei, prout est siclus sacer: & reliqua quæ sequuntur. id verò ita reddidit Philo: *κελεύει γὰρ ὑπὸ ἐκδοτατίας  
ἄχεις ἐξακοντατίας ἀνδρὸς ἐν τὴν δραχμῶν διακοτίας  
νόμισμα δὲ δαρυγίῳ*. Iuber à vicenario ad sexagenarium, viri multâ esse drachmas ducentas è solido argento. Ergò ducentæ drachmæ valent sicles quinquaginta, & quatuor Atticæ drachmæ singu-  
los.



los. Verumenimvero siclum Hebræum etiam dimidiæ argenti vnciæ æquari Solomoh Iarhæus & Moses Gerundensis Iudæi ante annos amplius quadringentos scriptum reliquerunt. Sicli typus parte vnâ vasculi illius effigies, quod Moses iussu Domini plenum mannâ in sanctum sanctorû ad omnia seculorum monumenta reposuit, cum hac inscriptione *secel Israël*; parte alterâ ramus amygdalinus Aaronis florens, cum inscriptione *Ieruschalaim kedossah*, Ierusalem sancta: idq. literarum charactere vetustissimo, qui Samaritanus dicitur, cuiusmodi formulâ ante decem tribuum defectionem Israëlita quoque utebantur: nam postmodum Iudæi, vt à schismaticis tribubus se segregarent, ex eo tempore demum quadratis, cuiusmodi hodie adhuc vsurpant, vti cœperunt. Huiusmodi siclum post tot seculorum naufragia ad manus suas deuenisse Arias Montanus in Antiquitatibus suis Iudaicis testatur, cuius figuram, crassitiem, & literarum antiquam inscriptionem ibidem expressit. cuius pondus dimidio dalero Hispanico, aut quatuor Iuliis Romanis, vel duobus Venetis Mocenigis pene par ait: sed argenti bonitate omni nummo nostri seculi potiore. hic siclus sanctus & sanctuarii siclus in S. Scriptura vocatur. quia secundû hunc omnis sacra æstimatio fiebat Leu. 27 vers. 25, & Exodi 30 v. 13. Fuitque sicli huius pondus, quemadmodum ibidem à Mose, & Ezechielis 45. vers. 2 definitur viginti Gera, tanquam ceratiorum aut siliquarum viginti. *Atque ita Gera, sicli est pars vigesima.*

*Dimidius siclus, pondere decem Gera, Exodi 30. v. 13. quem eodem typo notatum, & à se visum*

sum. Moses Gerundenſis ſcribit, ſed pro ſecel inſcriptum *haazi ſecel*, hoc eſt, dimidiuſ ſicluſ.

*Fuit & tertia ſicli pars.* Nehemiæ 10. v. 32. inſtituimus nobis præcepta, imponentes nobis trientem ſicli quotannis, ad cultum domus Dei noſtri. pendebat itaque  $6\frac{2}{3}$  Gera. Denique & hoc notandum, quod, cùm in ſacris de pretio rei exſoluendo agitur, ubi ſicli mentio fit, ratio ad argentei ſicli valorem ſit referenda: at cùm de pondere agitur, ſicli pondus, hoc eſt, tetradrachmum vel ſemunciam intelligendam. Iſta erant, quæ de veteris pecuniæ ratione ſummatim & perſpicuè annotare conſtitueram: cuius ſummam vniuerſam, tanquam in breuiario hîc ob oculos pono, æſtimatione ad noſtri ſeculi monetam reuocatâ.

*Aureus Romanus 25 denariûm, quamdin è librâ 45 ſignati ſunt, valet Roſatum Edoardicum  $1\frac{3}{40}$ . Ducatos Vngaricos  $2\frac{7}{20}$  Coronatos Gallicos  $2\frac{20}{37}$ . Et, prout hoc anno 1612 res nummaria Ordinum ediçto conſtituta eſt, Daleris Imperialibus  $3\frac{1}{12}$ : Hiſpanicis autem Qaleris, quos Regales vocant (& pondus habent granorum 569) ad momentum ſi expendas, duntaxat quatuor. Nam cùm auri ad argentum analogia hodie ſit eadem, quæ 626 ad 47 hoc eſt  $13\frac{3}{4}$  ut proximè; id per proportionem concludes, hoc modo. Cùm auri pondus 47 granorum argenti 626 granis contra carum ſit; itaque pondus aurei Romani 171 valere æquabitur argenti granis 2277. cuius pars quarta 569 planiſſimè Regalis Hiſpanici pondus reddit: & vigefima quinta quatuor dalerorum pars grana 91 antiqui denarii verum pondus.*

*Poſtquam autem è librâ duo & ſeptuaginta ſolidi ſignari cœpere, tum valore & pōdere quam pro-*

ximè aquanere nummum aureum Anglicum Geniatum, Anglottum vulgò ab Angelo seu Genio alato indigitant: qui hodie valet Daleros Imperiales  $2\frac{7}{16}$ . Florenos Hollandicos quinque cum stuferis septendecim. Eadè ratio in denariis posterioris seculi ferè obtinet. Sunt enim argento multò leniorè signati, ut alii  $\frac{4}{5}$  alii  $\frac{3}{5}$  priorum habeant. Quod propterea moneo, ne omnes denarios eiusdem valoris & ponderis fuisse existimes. Temporis enim ratio hic apprimis obseruanda, quam suprà in denarii descriptione tetigimus.

Denarius itaque quamdiu fuit granorum 91 erit  $\frac{2}{25}$  quatuor dalerorum Regalium. Et propterea stuferorum Hollandicorum  $7\frac{13}{25}$ , seu  $7\frac{1}{2}$ .

Ubi vero imminutum ad grana 80, quo pondere hodie penè omnes sunt, paucis exceptis, taxabis stuferis  $7\frac{1}{25}$ , aut abiecta particula exactè tantum stuferis 7. At ex hodiernà auri ad argentū analogià  $6\frac{3}{8}$ .

Quinaris seu Victoriatus  $\frac{1}{25}$  duorum dalerorum Imperialium.

Sestertius eius pars quarta stuferus  $1\frac{3}{4}$ .

Dupondius ( quamdiu assis fuit denarii pars decima ) daleri Hispanici  $\frac{4}{125}$  seu Holl stuferus  $1\frac{1}{2}$ .

Assis tum fuerat stuferi  $\frac{3}{4}$ , seu daleri Hispanici  $\frac{2}{125}$ . Ubi verò sedecim assibus denarius commutatus est, Dupondius fuit daleri Hispanici  $\frac{1}{30}$ . Assis  $\frac{1}{100}$ . Sembella  $\frac{1}{200}$ . Triens  $\frac{1}{300}$ . Quadrans  $\frac{1}{400}$ . Sextans  $\frac{1}{600}$ . Uncia  $\frac{1}{1200}$ .

Ita post argentum signatum. Verum & illud mihi notandum arbitror, longè alià taxatione Dupondium, Assemq, reliquasq, minores partes aestimanda, ubi primum argentum à Romanis signari cœpit. Enimuerò tū primum asses sextatales instituti sunt:

Et

Et haud dubiò argenti arisq<sup>3</sup> pretia legitima æstimatione inter se contenderant. Atqui tum asses decē sextantali pondere denariū faciebant: quare sextantes sex, quæ est integra aris libra  $\frac{3}{2}$  denarii repensā fuit: Et denarii tres libris aris, seu antiquis assibus quinq<sup>3</sup>. Quamobrem ex istà analogià gravis aris æstimatio quoq<sup>3</sup> debuit institui. Ut non decimam, vel ut postea sedecimā denarii partem, sed  $\frac{3}{2}$  denarii graue æs intelligamus. Quid ipsū notasse nō arbiſſor abs re fore.

Sestertium valet 1000 sestertios, denarios 250, Coronatos Gallicos 25.

Talentum Atticum & Euboicum Edoardeos Nob. 240, Babylonicum 280, Æginæum, & Rhodium 400, Syrum vel Alexandrinum 60, Atticum maius 320, Ptolemaicum 80.

Eadem analogia in minis & cæteris particulæsum particulis quoque obtinebit.

Nam mina Attica valet 4 Edoardeos Nobiles, Babylonica  $4\frac{2}{3}$  Æginæa & Rhodia  $6\frac{2}{3}$ , Syra & Alexandrina 1, Attica maior  $5\frac{1}{3}$ , Ptolemaica  $1\frac{1}{3}$ .

Atticus aureus stater Anglico Edoardeo pondere æqualis, fuit drachmarum 25, seu cor. Gall.  $2\frac{1}{37}$ .

Stater Cyzicenus Lampidi in Bosporo 28 drachmarum,  $2\frac{1}{2}$  coronati Gallici.

Stater Philippicus, Daricus, Cræsius, Alexandricus drachmarum 50, coronatorum Gallicorum  $2\frac{1}{2}$ .

Drachma Attica  $\frac{1}{10}$  cor. Gallici, didrachmum  $\frac{1}{5}$ , tridrachmum  $\frac{3}{10}$ , tetradrachmum seu stater argenteus  $\frac{2}{5}$ , pentadrachmum  $\frac{1}{2}$ , ut proximè.

Obolus  $\frac{1}{60}$  coronati Gallici, diobolum  $\frac{1}{30}$ , triobolum  $\frac{1}{20}$ , tetrobolum  $\frac{1}{15}$ .

Chalcus  $\frac{1}{480}$  coronati Gallici, dichalcum  $\frac{1}{240}$  semiobolus  $\frac{1}{120}$ .



*Siclus argenteus aequatur tetradrachmo Attico,  $\frac{2}{3}$  coronati Gallici: dimidius siclus, didrachmo,  $\frac{1}{3}$  cor. Gall. tertia pars sicli  $\frac{2}{15}$ . Gera, seu obolus Hebraeus  $\frac{1}{30}$  coronati Gallici.*

EXEMPLA quædam ex veterum scriptis selecta, in quibus horum usum commonstrems, deum hic subiecinus. Illud præmonitum volo, me Aurei Romani & Attici stateris, itémque drachmæ & denarii significationem promiscuam habiturum. Et 10 drachmas coronato Gallico æstimaturum: ac 25 drachmas seu denarios, qui sunt aureus Romanus, & stater Atticus, coronatis  $2\frac{1}{2}$ . tantillum enim dabimus calculi facilitati, ut tyroni tantò sit expeditior.

Geneseos 23 v. 15. Abram ab Ephrone Hethæo agrum sepulchri causâ emit quadringentis siclis argenti, hoc est, coronatis Gallicis 160, vel daleris Imperialibus  $234\frac{2}{3}$ .

Exodi 21. v. 32. Argenti triginta siclis præscripta mulcta est domino, cuius bos seruum alterius occiderit, sunt coronati Gallici 12.

Iosue 7 v. 21. ducentos argenti siclos sacrilegio à se subreptos Gacham confessus est. sunt coronati Gallici 80.

2 Regum 7. Manaheim populo Israëlítico quinquagenos siclos viritim imperauit, muneris Assyrio regi dandi causâ. sunt coronati Gallici 20.

Numerorum 31. v. 32. Cum Madianitis ad intercessionem deletis nullus miles ex Israëlitarum castris desideraretur, aurum omne, quod ex præda conflauerant, Deo consecrârunt. erat autem totum illud aurum oblationis, quod obtulerunt Iehouæ, sede-

sedecies mille septingentorū quinquaginta siclorum. id inquam ita de auri pondere intelligendum, vt 16750 auri semuncia, vel vncia 8375 fuerint: ac vnciam auri  $23\frac{3}{4}$  carattorum 4 Edoardæis Nob. taxauimus. ergo summa huius auri votiui fuit coronatorum 33500.

Samuelis 2 cap. 24. Emit Dauid aream illam & illos boues siclis quinquaginta. Intelligendum de area ad altare extruendum sufficiente. Et sunt coronati Gallici 20.

Paralipomenon 1 cap. 21. Appendit Dauid Ornam pro loco illo siclos aureos pondere iusto sexcentos. Hæc de toto monte Moria, in quo Solomon templum domino ædificauit, intelligenda sunt. & sunt auri vnciæ trecentæ, seu Nobiles Edoardæi 1200.

1 Samuelis 17 v. 7 ferrum hastæ Goliat 600 siclorum ponderis, hoc est vnciarum 300, vel librarum 25, cum singulis tribus vncias 12. hinc reliqua hastæ magnitudo & crassities instar licii textorii æstimatu hand difficilis erit.

Marci 6. Dominus noster Iesus Christus 5000 viros 5 panibus & 2 pisciculis satiauit. quibus discipuli clamitabant opus esse 200 denariis ad emēdos panes, hoc est coronatis Gallicis 20.

Liuius l. 1. Seruius Tullius censum instituit, & Populum Romanum in classes quinque distribuit. Prima classis est instituta ex iis qui centum milliū æris, aut maiorem censum haberent, hoc est 2400 Edoardæorum Nobilium. Secunda intra centum vsque ad septuaginta quinque millium censum; hoc est ad 1800 Edoard. Tertia ad quinquaginta milliū censum, hoc est 1200. Edoard. Quartæ clas-

sis census 15 millium, hoc est, 360 Edoard. Quintæ classis vndecim millibus æris definitus est. Hoc loco non asses tantum sed graue æs intelligendum, cuius valorem supra definiuimus. Postmodum equester ordo quadringentis millibus nummum definitus est. Plin. lib. 33. c. 2. Constitutum ne cuius eius esset ( *aurei annuli* ) nisi cui ingenuo ipsi, patri, auoque paterno sestertia 400 census fuisset; hoc est, coronatorum Gallicorum 10000. Huc spectauit Horatius:

*Si quadringentis sex septem millia desint,  
Plebs eris.* ———

Suetonius in Augusto: Senatorum censum ampliavit, ac pro octingentorum millium summam duodecies sestertium taxauit, suppletitque non habentibus. Ergo pro censu senatorio 20000 coronatorum, instituit 30000.

Cicero Verrinis ait Verrem sestertium quadringenties, contra legem abstulisse, hoc est 40000000 sestertium, quæ summa valet 1000000 coronatos Gallicos. Tantidem M. Lollii ex Oriente rapinas Plinius æstimat lib. 9 cap. 34.

Ibidem margaritam, quam Cleopatra in aceto maceratam vnico hauitu absumpsit, sestertiis centies taxauit; hoc est 10000000 sestertium, qui sunt coronati 250000.

Suetonius Caligulæ: Vicies septies millies sestertium non toto vertente anno absumpsit. quæ infinita pecuniæ vis est. nam 2700000000 sestertium faciunt coronatos Gallicos 67500000.

Gellius c. 2. lib. 5. Noctium Atticarum: Equus Alexandri regis & nomine & re Bucephalus fuit. Emptum Chares scripsit talentis tredecim, & regi Philip-

Philippo donatum. æris nostri summa est sestertia trecenta & duodecim. Plutarchus quoq. 13 talentis emptum tradit. Quare 13 talenta & 312 sestertia tantundem valent, itaque multiplicatis 13 talentis per 600 coronatos, vel 312 sestertiis (genere neutro) per 25 coronatos, eadem summa conflatur 7800 coronatorum. pretium Bucephali.

Cicero pro domo: Superficiem ædium consules de consilii sententia æstimârunt sestertiûm vicies. sed 2000000 sestertiûm sunt 50000 cor. Gall. Et rursus Tusculanam villam 500000 sestertiûm; hoc est 12500 coron. Gall.

Cicero 2 Philippicâ de se: Ego amplius sestertiûm ducenties acceptum hæreditatibus rettuli. sestertiûm 2000000 sunt 50000 cor. Gall.

Appianus lib. 4. Bellorum Civilium, Ciceronis caput ab Antonio repensum 25 myriadibus Atticarum drachmarum, sed 25000 drachmarum sunt 10000 Edoardæi Nobiles.

Apud Herodotum lib. 7. Pythius quidam Bithynius proficitur Xerxi opes suas, easque regi donat. quippe possidere se argenti talenta bis simile, auri myriadas quadringentas, demptis septem millibus aureorum Daricorum. Talenta argenti 2000 si sint Babylonia (ut credi paret) sunt 560000 Edoardæi Nobiles. Et 4000000 Daricorum sunt 8000000 Edoardæi Nobiles. inde si demas 7000 Daricos, seu Edoardæos 14000 summa omnium erunt 8546000 Edoardæi.

Plutarchus in vita Pompeii sub initium, ait Demetrium Pompeii libertum reliquisse rem quadringentorum talentorum, hoc est 96000 Edoardæorum.



Matthæi 19 in parabola de seruo debitore, cui nostra peccata comparantur, ait Christus remissum ei debitum 10000 talentorū hoc est (vt Attica intelligamus, veluti in didrachmo census) 240000 Edoardæorum; qui tamen à conseruo 100 denarios, hoc est Edoardæos 4 tam acerbè exegerit.

Plin. lib. 33. cap. 3. Iam Cyrus deuictâ Asiâ auri pondo 33000 inuenerat, præter vasa aurea, aurumque factum, & in eâ folia ac platanum vitæque: Quâ victoriâ argenti quingenta millia talentorum reportauit. & craterem Semiramidis, cuius pondus 15 talenta colligebat. Talentum autem Ægyptium pondo 80 patere Varrō tradit. Age igitur huius summæ rationem ineamus. auri purioris  $23\frac{3}{4}$  carattorum vncia 4 Edoardæis nobis suprâ æstimata est. itaq. 33000 pondo sunt Edoardæi 1584000 argenti talenta 500000 sunt Edoardæi 960000000. Summa vtraque Edoardæorum 961584000.

Exemplorum præterea affatim apud Budæum passim reperies. In quorum calculo tete exerceas.

## FINIS.


### Errata.

P. 12. v. 17. scribendi, l. scribenti. p. 17. v. 18 auri, l. argenti. p. 36. v. 30 Edoardaum aurum, l. Edoardei auri. p. 38. v. 25 vt 100, l. vt 100. p. 45 v. 2,  $\frac{1}{2}$  vel  $\frac{2}{3}$  l.  $\frac{1}{2}$  vel  $\frac{3}{4}$ . p. 48. v. 15. ras, l. est. v. 18 κατά το l. κατά τις. p. 52. v. 3. libram, l. unciam.







The image shows the front cover of an old book. The cover is decorated with a complex marbled paper pattern. The pattern consists of dark, swirling veins of black and grey, interspersed with bright red and white streaks. The overall effect is a dense, organic, and somewhat chaotic design. A rectangular grey paper label is affixed to the lower-left corner of the cover. The label has handwritten text in black ink. The word "SPECIAL" is written in a slightly slanted, capital letters. To its right, the number "88-B" is written. Below "88-B", the number "10700" is written. At the bottom of the label, the words "GETTY CENTER LIBRARY" are printed in a small, sans-serif font. The edges of the book cover show signs of wear and age, with some of the underlying board material visible at the corners and along the right edge.

SPECIAL

88-B

10700

GETTY CENTER LIBRARY



